

漫  
欲  
亭  
後  
集



恭和

御製

皇考宣宗成皇帝聖訓實錄告成御保和殿行禮恭紀元韻

虞廷稽古仰

堯天

聖揆同符善述

先典重

郊壇誠默契

書藏殿展慶長縣鈞韶雅樂迎初旭

寶鑑瑤函奉萬年竊媿蓬廬承

授簡感

復仇亭後集卷七

恩同拜

德音宣

致仕大學士前監修總裁官臣 祁寯藻

道光元年三月臣 寯藻入直

南書房二十一年充軍機大臣道光三十年充

實錄館總裁旋充監修總裁四年十一月致仕以前恭和

聖製

御製詩謹錄存彙別為一帙不敢闌入詩集茲以衰朽閒

居承

恩授簡視昔侍從賡颺尤為異數謹錄彙冠於後集七卷

之前以紀歲月且志榮幸云臣 寯藻恭記

馮訖亭後集卷七

壽陽祁寯藻叔穎

古今體詩六十四首

丙辰

丙辰歲十一月朔日

實錄館書告成

上以臣寯藻曾充監修總裁官

賞食全俸感

恩恭紀

虞書首堯典文思肇史例周書陳大訓燦然載世系我

朝治邁古

七葉啟

馮訖亭後集卷七

先帝

龍潛戡大難

遺詔示

郊禘

垂拱三十年

功德與

天際道光紀元初

小臣拜

恩逮簪筆侍

南齋早覩

日星麗維時回量平

受俘稽典制樞垣預機務實始辛丑歲島夷方構患

宵旰精誠厲十年一奉使攀髯空隕涕恭逢

皇建極

祕館司書契

實錄以年編

聖訓以類繫大體秉

宸鑒分纂資衆製疏庸忝領職時恐滋咎戾離局況已久  
微勞豈足計何意衰朽質乃蒙

推食惠頻年軍饟急兼慮海漕滯哀鴻滿中澤安暇問租  
稅

朝廷詔祿典素餐亦難繼平生媿俸錢送老甘粗糲報

恩竟何日感激念時勢

漫叟亭後集卷七

二

聖人寶金鑑臣朔乏獻替且從康衢叟鼓腹游

盛世願聞銷甲兵更祝免菑沴

冬夜同舍聯句和韵荅之

石鼎聯吟夜松陵疊句時昔賢曾勗格今雨共論詩妙領  
蘭言契閒邀竹徑披留賓常下榻相士不關皮學趁三餘  
暇才推一字師自慙窺管豹聊備借書鴟接席頻揮塵投  
壺間品棋豪情長劍拔密詠短檠移各奏鏗鏘節羣矜顧  
盼姿簾虛能駐月硯煖未疑斯郢曲紆高唱少泉江都苦

下帷

硯鄰

心懸鴻雁遣手待斧柯持同舍鄉音聚分曹宦

迹隨

夢巖心園及  
兒子世長

清談空乞壘

張甥  
孝叔

衰鬢久成絲易醉燕

臺酒難醒楚客醅餘氛煩盪滌流俗感淳漓簪幸良朋盍

花憐老圃遲靜中知病減閒處得神怡槐巷回幽夢梅圖  
發故枝銷寒期雪集更約門新奇

爲吾宗立叔太守書繫舟額題後

作郡眞如不繫舟十年江海舊遨遊歸來靜坐蓬窗下且  
學陶公錄竹頭

十一月初八日張氏妹攜七歲姪女招姑來都蓋石  
州先生遺腹女也其生母亦亡吾妹撫之如己女聰  
慧綽有父風感歎成詩

己深杜老鍾離感又爲西華葛帔憐石州無子妹以次子孝贍嗣之今日

一星餘曙後當時四傑在盧前遺書待卒中郎業擇堦誰  
知後圖賢用裴寬事手札幾行偏觸目相看不覺更潸然適發篋見

石翁手札一紙

履訖亭後集卷七

三

內弟曹柳溪汝愚以余致仕賦詩見懷次答

衰病回思少壯年每過謝墅共華筵敬屏久切西州感製  
錦今看大邑賢十載清風餘滿袖歷任平谷龍門諸邑一行旅雁尙

隨肩堯臣內弟八年在署安心是藥匙

恩重更乞丹方喜欲仙君精醫理每來都爲余診脈酌方

柳溪題余詩集次韵二首

篆刻雕蟲苦未安空談不稱棗梨刊病餘且免遺書失老  
去方知下筆難蠟屐平生纔幾著雪泥陳迹又重看知君

官閣清如水付與籠頭試月團來詩有幸我官閒窺日易之句

厝火時方策治安導河續未奏隨刊文章小技雕鐫易憂

患餘生報荅難把卷不須奇字問題詩聊作故鄉看用來詩意

望雪 十一月二十二日

今年秋有蜚渴望三冬雪月朔偶霑灑兼旬冰未結及茲日南至轉慮陽氣泄昨宵風鶩發窗紙鳴欲裂檐頭大星垂芒動眼明滅曉起雲物變晴色爭凜冽蕭條孤雁來千里寒聲咽似聞太行徑已有飛花掣

高殿薌始升時於大殿祈雪

南郊仗初列二十四日冬至前一日定憑埽盪力轉此嚴

疑節何須塞土囊會見堆瓊屑陳根看盡拔螟螣無遺孽猶幸春事遲敢歎生計拙

復仇亭後集卷七 四

朱履詩沈舜卿先生為其弟春湖觀察作也先生兄弟相約年七十乃著朱履今春湖果以七十致仕喜而賦詩寄示次韵二首賀之

一編聊記宦游曾春翁有七十自序時哲嗣為太谷縣令三老風流遠近稱膝下飛鳧方接武作朋真合頌岡陵舜翁質翁今年均七十有五

笑我鄉心追葛屨羨君壽骨貫犀顛雲巾方曷知相稱更寫坡翁笠屐圖

臺海運糧圖為曹嵐樵給事宗瀚題用石士夫子韵

給事大父芝田由吳淞運糧百七十艘浮海達泉州乾隆戊申自記給事補圖

海疆自古論戰守鑠鑰咽喉在江口雲帆稅稻東吳來轉海饜軍事亦久我朝封域跨海涯有元運道何足誇請看

聚米臺澎島中有浮天牛斗槎鯤身鹿耳盡編戶萬里螺

舟平賊處

閩浙督署藏右旋白螺乾隆中頒賜臺灣軍帥渡海者

豈知飛輓成戰功

留取畫圖入詩句我昔使閩窮巉巖鷺嶼軍中枚夜銜歸  
來歲籌太倉粟海艘渴望津門帆仙山清夢落箏筑指點  
神雅送樵牧慶原太守吳郡丞策勲老荷昇平福文孫感  
舊記題楹繡服難忘捧硯情便擬從君歌擊壤白頭江海  
見銷兵

沈雲巢廉察和舜翁詩有三人二百二十歲之句舜  
翁以令姊今年八十又得句云兄弟四人三百年妙  
語皆天成也再和一首

四照移華共綺筵家風還溯

《復仇亭後集卷七

五

四朝前便思杖履從君後卻媿懸車未及年

宗姪立叔

之鏐

爲余寫竹窗初雪圖題云長安米伯

珠一雪關生計林下寄閒吟未肯忘斯世題後和之

一雪何足圖萬事宜早計誰謂竹窗外盡屬人間世

冬至日觀齋同人小集題竹窗初雪圖用裴達詩太

史方簪筆高臺紀彩雲分韻得太字

冬日常苦短老去亦無奈紙窗一寸雪留作消寒會會中

十二人磊落形骸外促坐忘主賓隨意著冠帶吾宗新去

郡

立叔前任武定太守

爲我尺幅繪竹籬茅舍間已覺出塵壒林穿

劣可坐酒薄近堪兌寒鑪繼燈燭鄉味雜南膾不有詩遣

懷誰與暢天籟自從軍事興絜歲何戈被楚氛今尙惡郢

笛悲無賴少泉頃有寒夜感懷諸作鬱州海上客歸路隔豐沛研鄰開

門孰高臥江閣動旌槍粵之唐風感蟋蟀猶勝歌曹鄴衰

年驚物候急箭下湍瀨羣賢發高詠諸子得沾句詩成筆

未凍春氣有餘藹羨爾畫中人團瓢雪深葢聊爲歲莫吟

好樂無已太

十二月六日

寶錄館頒給監修官錢百貫感

恩恭紀

恩加三館滿洲蒙古漢文慶彈冠稠疊榮施媿未安病鶴已曾叨

厚俸駑駘那復稱雕鞍監修總裁例有賜鐵錢餞歲新緡鈔

銀管題名舊史官敢問二疏金盡否且斟春酒薦辛盤

侵札亭後集卷七

六

次韵荅勿齋二首

鄉閭慙別湧雲樓一笑燕臺九日秋君來都恰值重九野馬勒回

塵外迹籬花銷盡客中愁年光大似離弦箭仕宦真如泛

海舟四十年來十萬里比君腰腳更應休來詩有八年四萬五千里之句

計余奉使隨扈并少時度隴之行不翅十餘萬里矣

亦知過眼等雲煙搔首何煩更問天況有游山雙不借未

妨舉酒一陶然故園松竹應無恙破屋藤蘿尙可牽已聽

南風傳好語且看臘雪兆豐年

煮茗煩將好句搜讀書笑我雪盈頭淺嘗糟粕終何益多

病蔓荅始漸收敢冀行年臻化境卻妨文字誤時流不求

甚解吾衰矣聊與先生一醉謀



縣山茶歌贈李君復 其芳 兼呈坐客

縣山茶清且美李翁餉我走千里云近得之朱處士 德秀介休  
明介子推呼不起縣田火後炊無煙一寸苦心燒不死坐  
容滿堂倒瓶罌主人棖觸不能烹似聞雀鼠谷前水猶作  
龍蛇悲歎聲

何通甫農部 兆澹 供菊圖

露布頻聞驛騎騰 頤聞武漢江浦均有捷報 小窗殘菊倚青鐙年來老  
眼麻茶甚除卻看花百不能

臘日晴窗憶雪天客來鑪篆有餘煙回頭別墅栽花地一  
幅秋光又十年 君近有雲山別墅詩

寒夜不寐

縵亂亭後集卷七 七

落月挂高樹顛風搖破籬爭栖烏接翅嬾吠犬生蒼歲晚  
更籌急宵深燭跋遲開門還獨立呵凍強裁詩

少泉惠六安雨前茶以縣山茶報之

齊安老居士贈我六安茶碧葉未過兩寒泉初汲華澹如  
人對菊清比句籠紗報以縣田種鄉風敢並誇

聞官軍克復武昌感喜交集簡雷少泉

楚氛漸欲及襄荆五載長江未罷兵氣轉一陽冬至節天  
教三定武昌城 武昌省會自壬子歲至今三陷三復此次中丞胡公林翼於十一月二十六日克復

二十九日捷書到京 尙聞漢郡蟲沙集未斷黃州鼓角聲  
早晚樓船向東下客心如雁計歸程

神鷺行 事見夷堅志

君不見宋紹興時淮北地秋稼如雲蝗驟至水濱有鳥名曰鶯脰長喙利千萬翅啄蝗不食吐復啄秋風一吹歲大熟朝廷詔策神鶯勳封曰護國大將軍嗚呼將軍軍過盡沙埽何況十萬貔貅疾於鳥

慈仁寺戒學長老餉粥

幽居近蘭若容易致蕪蕪汲取寒泉井分從香積廚平生耽脫粟一笑伴蒸壺試問蟾知客何如爲甚酥

寄迹桑三宿浮名黍一炊齒牙今已脫糟粕更何爲故著花成雨應憐肉作糜瓦盆喧凍雀得飽敢忘飢

六姪世敦來都用東坡冬至日贈姪安節韵作詩三首示之

履劬亭後集卷七

八

節序不饒人今日是何日親朋滿南軒舉酒談促剝酒酣雜感慨豈爲吾衰疾江海尙格鬥紛紛事不一憂患見骨肉詩書在牆壁念昔馬文淵垂老誠子姪畫虎恨不成聞者心悲栗汝孫已弄瓦汝田半成石往時徵逐輩情好漸已畢誰於塵甌中爲汝致涓滴

人情老多憂游子宜愛日憐汝兩幼弟且足娛繞剝汝父七十餘汝母亦夙疾汝子俱及冠事養賴汝一讀書吾家業不學如面壁老大幾人成餬口念諸姪汝來吾更悲遠道苦寒栗吾老賸此屋所媿糜祿石

近蒙賞俸藉抵官房租價

汝姑

又吾倚百願無一畢安得盈尺雪分作窮檐滴

汝生吾宦後未見艱苦日吾兄體素羸愛汝恒置剝一第

白鬢髮又嬰耳目疾平生研硯田十樹不獲一辛苦爲作  
室倏忽餘四壁它人實廷汝吾豈不念姪兄妹賸二人零  
落如霜粟汝叔惟吾存人生豈金石兄老弟亦衰婚嫁未  
易畢來者猶可追吾淚爲誰滴

武昌漢陽兩城同日克復詩以紀事 十二月三日

昨聞收武昌今聞收漢陽捷書連日至悲喜難自量回思  
僨事時賊勢何猖狂將兵在得人旋轉如風檣前年南軍  
下儒帥來湖湘曾公左右惟賢才文武資動勦塔公羅公皆曾公所

識一舉定武漢再舉安蘄黃揚帆越潯口直欲趨建康守  
土彼何人乃致餘燄張平生負韜畧聞賊先倉皇坐看鼠  
變虎縱令狼驅羊哀哉江漢民三度罹禍殃睽睽兩大星

餽仇亭後集卷七 九

相繼實厥匹塔公憤卒羅公陣亡中丞出巴陵巡撫胡公節帥移荆襄總督

公分軍扼南北翦翼播其吭軍中孰健者楚材實最良楊

兵載福李觀察續賓王總兵國才一日克兩城陽氣回冬藏當其經營始

兵力猶未遑及乎謀定戰快若決潰創擒賊必擒王挽弓  
必挽強二三英雋出勢已摧欃槍乃知壁上觀何如錐處  
囊前車數可鑒思患宜豫防願聞鏜吹聲日與江水長

消寒二集詠古銅觶二首得滿字此道光初年賜器也解祗亞文中

有古篆武進李君願釋其文曰杜黃撰寶解山房記

晴風古翠新雨澣雲雷繞腹橫不斷千秋杜舉傳姓名籀

法金工細留款

茗宴捧歸香案重梅圖寫入南枝煖酌酒留賓容幾升古

來敲器何曾滿

澄懷暇日憶休澣好古同心筮金斷前有斌良

筮畊太常  
留心金石

始識爲  
古飲器後李願

字慰望申者  
先生之子

眼饒心醉手撫款昔聽鐘聲

問憂樂今從瓶凍識寒煖惜哉未入孳經室搨本流傳題

字滿

阮文達公有積  
古齋鐘鼎款識

題雷少泉孝廉文詩舊藁

詩句縱橫見性情文章樸茂有公評風塵一載金臺客款  
唾千篇玉笛聲滿眼蒼茫思故國寸心寥落感平生低頭  
東野吾方媿敢效韓公賦短檠

冬春吟

萬物靜中息不眠夜多聞闐然牛蟻鬥牀腳聲何殷初訝

履亂亭後集卷七

十

耳鳴聚秋蟲繼如以罇節鼓叢雷雖未發雉已雉地氣暗  
動陽上熏聞自西北來聲遠無涯垠忽然入枕枕有窸雨  
點亂落檐滴芬老人起坐修崑崙以手捫耳齒叩齧始知  
冬春米聲急歲序已逼人事勤爾來市價日翔貴萬錢不  
復論石斤天寒日短夜確苦面目黎凍手足皸布被深擁  
亦何幸臂痛安敢惜勞筋傳聞兵家云善聽者不紛弓聽  
能知百里外甕聽不畏地火焚嗟余有兩耳但聽春米不  
濟軍呻吟未了鴉誰噪雨雪更望天同雲

戲荅勿齋風夜不寐

得君不寐詩令我感風夜挑鐙一再吟不覺笑且訝新居  
有瓦屋固已勝茅舍狐裘尙未敝紙窗幸無罅緣何牀遠

穿轉側不容勝有酒便可煮有肉亦可炙何獨乏鑪火赤  
脚暗騰跨噤如蟬抱葉竦若鷹栖架知君用志苦食蓼甘  
如蔗得毋諷世俗煎熏困蘭麝城西有病翁欲歸手犁耙  
臥聞風撼牖呻吟每自詫君能數往來吾榻久已下

恭聞

三壇祈雪敬紀

神

祇

太歲三大祀位與

先農尊爲壇

農壇歲舉耕藉禮雨雪所報茲維虔

稷乳亭後集卷七

南郊

祈穀典並重四時玉燭占豐年

常雩請雨或未足

深宮默禱精誠鑄不敢遂舉

大雩祭

高元寶殿升薌先粵惟

三壇

帝左右如公孤位槐棘聯堂陛森嚴等而上瀆則不敬越

則專

三壇既告

方澤祀然後哀籲呼

蒼天大哉

乾元統萬物日星河嶽神功宣歲有陽陰  
聖心省調和水旱德罔愆我

皇御宇萬靈埃屢豐猶不忘振燭今年閔雨歲小歉螟蝻  
蠹賊相因緣三冬望雪如望雨生麥殺蟲天必憐南至已  
過小寒屆同雲數為風力牽月惟辛丑日丁酉十二月十四日

崇壇肅祀

神來翩側聞江漢頻奏捷願沛大澤如流川坐看三輔朔  
南暨萬里盈尺瓊瑤田爭挽鉏犁洗兵甲司農不復憂貨  
泉衰朽豚蹄有奢祝雪窗欲誦卿雲篇

喜聞黃州克復即賀雷少泉

十二月十一日

侵仇亭後集卷七

七

江漢重城一日收前軍又報下黃州楚材杞梓歸開府武昌  
黃州兩郡皆中丞胡公南岸一軍克復李觀察楊總戎功最鄂渚旌旗據上游雪夜檢  
渠城四闢樓船破虜水東流李以陸軍攻入郡城楊以水師截斷賊路分明結  
伴還鄉路吟望無煩杜老愁少泉家黃岡之陽邏鎮

觀齋歌

宋搨摹勒

淳化軒軒以帖名溯其元成邸有齋曰詒晉至今陸帖傳

宗藩

避暑山莊舊藏本

南齋拜賜珍璵璠

乾隆間重刻淳化閣帖置淳化軒  
蓋熱河行湘林手撫士衡筆寄我鐫石江陰園陸平原御寶

蓋熱河行湘林手撫士衡筆寄我鐫石江陰園陸平原御寶

眞蹟成耶賜本陸湘林都統曾自京摹寄江南因爲上石留置學使西園盛 覃谿老人信好

古大觀殘本題萬言二十七帖一千字冊首題云大觀帖第六卷權場殘本

凡十一葉九百七十三字除題目適與翁題年歲相同臨川李氏

筆札具于是晉觀作堂成例晉谿名其堂曰晉觀作歌紀之嗟余何幸

獲此本甲子一周如逢原適與翁題年歲相同臨川李氏

寶全帙見此四坐驚且喧春湖先生家藏本較此遠遜草書忽忽

苦未暇軍書旁午趨樞垣時海壘夷務方殷緘藏篋笥十餘載退

食偶展芸窗暄遂以觀齋自題署如壁上觀旌旗翻心摹

手追都不到雲煙過眼經幾番名雖襲翁實自媿但愛野

鶩窺籠樊槐街老屋臥三載閉門聲不聞輪轅猶有墨客

闖其牖一榻未許懸陳蕃開緘細字珠錯落怪翁何事不

復仇亭後集卷七

憚煩初觀色動疑嘗甯熟視知味真熊蹯人間瓊蠟輿臺

耳齋梨銀鋌空銜冤平生驕筆好馳騁臂痛無力勝橐鞬

自從

石渠見快雪右軍快雪時晴墨蹟成豐初元曾蒙賜觀并命賦詩俗書一掃枝葉

繁抱殘守缺厖有此摩抄晉解思周顛祇愁眼花墮雲霧

神骨不辨驪駟驟觀空觀色總如是真相何者爲泥洹翁

今仙去我衰病池水餘墨流潺湲小齋那須鐵門限詩成

目送飛鴻鸞

老屋詩十章

古馬首邑平舒之邨中有環堵老屋斯存惟茲老屋蓬戶

葦門垂二百年貽厥子孫

惟我祁氏中尉之裔肇遷自楊洪洞古楊侯國于壽之汭北鄉有

廬支分派繫爰逮我躬十有六世

惟我始祖力田于鄉十世而後迺登于庠于國合聞

合望家風儉素曰篤不忘

惟我高祖務茲稼穡匪績弗衣匪藝弗食瞻彼岑樓南北

翼翼獨守做廬運甓是力

惟茲老屋翳彼樓陰三楹勉築匪丈匪尋東西偏仄步武

弗任歷年滋久風雨漸侵

我祖我父困于薄宦載塗載暨守弗敢慢及我老病歲不

遑晏堂構岌岌弗肯是患

惟茲老屋後有隙地母氏遺命載謀移寘兄老弟喪我生

如寄卽今弗圖前基斯棄

古

何以圖之曰毋改作前基勿毀後趾有託罅漏匪昔榱桷

如昨徹彼兩廂西楹稍廓

南樓之下亦可結茅三間十步可困可庖客思故鄉燕睇

舊巢曰苟完矣聊以解嘲

我生之初斯屋已老我生之後勞人草草豈無爽塏它人

是保告爾子孫永念祖考

贈閻夢巖戶部汝弼二十韵

廣廈構衆材通經乃致用義理與訓詁二者實兼重吾鄉

風俗淳耕稼勤諷誦經師遞授受學不泥漢宋爾來綴學

士購書資博綜金石探古文籀籒得嘉種先生更傑出儒



冠聳衝縫頻年就做廬講畫及羣從

家兄延君訓課姪孫輩

頤解蒼

客難蒙求發童意插架阮氏書

阮文達集某經解千四百卷

國朝諸家君皆研究

劉覽朝夕供直與古人稽不為疑義訟偶出詩緒餘

近詩毛詩

緒餘十卷

已該風雅頌名物雜羅列一一疏其壘傳箋有異同

衆說苦霧

衆說苦霧沿波必討原江河別沱灘

沱灘二字用廣韵

我如食

字蠹尙秬芸香俸周南老留滯廢學心滋恐鄭鄉舊接鄰

戴席今猶共

君今年通籍仍寓宜南做廬

司徒掌邦教六典羣義統豈

惟科第擢會見風雲縱

### 我烏曲

我烏亦自啼啼時方夜半爾烏亦自啼啼時夜嚮巨爾夜

何短我何長爾烏謂我烏啼忙夜長夜短奈何許我夢自

醒烏自語

五

### 曹柳谿內弟寄詩賀食俸次謝

補過頻年凜退思衰庸自歎力難支何期坐飽芸香俸更

許來歌鳳翽詩

帝典初成衢叟舞

天恩已被路人知瓊瑤投贈傳新句家食雖占媿朵頤

### 柳谿分俸見貽再次謝之

遠道雙魚每見思荅書右臂尙堪支漉中陶令分佳釀饋

歲坡翁續舊詩案牘漸稀年已近時屆封印瓶花欲凍客先知

太倉雀鼠成虛耗說與君聽一解頤

### 寒夜早起懷陶鳧香前輩仍疊前韵二首

虛明夜景我頻諳  
水浸空庭月印潭  
破夢不煩雞  
曙且衝寒時有鵲飛南  
似聞市價臨年踊  
漸覺更籌送臘酣  
卻向停雲思舊雨  
閑居運甕定能堪  
先生時請病假

臣心如水

帝心諳一片冰壺徹鏡潭

宣室召方虛席左  
老人星已朗弧南  
趨風待漏情尤切  
臥雪扃門睡甃酣  
早晚玉珂吟款段  
據鞍應比少游堪

勤學齋消寒三集題黃勤敏公詩卷卽呈張詩船少

宰勤敏師題張詩船家藏文敏怡園看花詩卷  
澄懷園海棠花下歌兩詩皆道光癸未作也

怡園看花後九十一清明壹齋題句後歲又三紀更當時  
手植花已有感舊情海棠歌有一再移  
根廿年久之句天風吹客聚幾日

後集卷七

東閣南齋皆後生時詩船以中書舍人直樞垣余  
與田季高直南齋并有和作後生彈

指今白首一幅珠璣落吾手紅絲玉版字淋漓猶記詩成

開笑口大江東去青山孤竹裏梅邊臺在否師家園  
臺名驢背

葫蘆載酒人招吟望斷于湖柳詩船曾爲煙雨招吟圖  
并屬余題句寄蕪湖中

山佛閣雪浪盆素壁新詩重細論壁間詩船二詩懸  
勤敏詩幅之次韓門

舊雨惟張籍三十年前共酒尊

歲莫望雪 十二月二十四日

自從破臘到如今三九清明一日陰枯坐不須花解語有頌

殘年惟有雪關心錫槃送竈非求媚黍酒思鄉且伴

吟遙憶團團馬頭月芹泉鞭影過寒林夢巖心園諸君  
歲尾可抵家

詩船少宰和題黃勤敏師詩卷次韵奉荅詩船自注  
先文敏公

書怡園看花詩卷序云宋熙甯壬子清明東坡先生看花吉祥寺三百一年為明洪武壬子楊孟載有清明日詩貽後之君子雍正十年壬子清明又三百一年好事者王生藻集諸名士於故相王文靖公怡園賦詩今相國詩云怡園看花後九十一清明壹齋題句後歲又三紀更則又增一段佳話矣

看花兩壬子自宋迄有明蘇楊遞題句光景如傳更怡園

詩似吉祥寺六百餘年花有情豈知高會再周甲名園花

木歸先生君今宣南所居亦名怡園先生平生詩萬首碧海鯨魚一掣

手食筍齋前落筆時驚人句出羣箱口當時同筵賸三叟

溟生司空暨余兩人君詩益壯叩則否卽今都下數耆舊杜陵古柏

石樵陶潛柳皁香少莫笑年華催粃盆唐堂壺室好同論

勤敏題此卷有張觸同宗同歲人我亦今年七十四請君之句蓋唐堂題時與師年正同今君年亦逾七十矣

更寫怡園卷添箇梅花餞歲尊

履齋亭後集卷七

七

對花思雪

一叢深色中人賦饋歲筵中任爾開爛漫春光已如許雪花何處得飛來

王少鶴得舊搦寶賢堂帖王大令書殘本屬題

晉藩石搦舊堪珍瓊蠟於今漸失真十二葉從何處得背

裝紙墨尙精神

龜硯分明墨瀋留余曾見寶賢堂龜硯於張石州案頭標題休認太清樓晴

窗細檢蘇齋本燕瘦環肥孰最優世間廣搦多以寶賢充大觀以潭溪舊搦較之

殊易辨耳

除夕詠懷簡少泉孝廉研鄰舍人

自我宣南居已過三除夕桃符雖退歸此日亦可惜滿坐

鐙燭光杯行手不釋但覺歲崢嶸不知孰主客二客前致  
詞辭家來射策春秋鴻雁遰感此泥爪迹尙憐支離叟鬢  
髮無可白飲我月團茶少泉惠嘉茗使我風生腋餉我馬膾花

研鄰贈唐花

照我雙頰赤新詩互訓荅壯氣紆鬱積我老亦客

耳如奔駒過隙再拜斟屠蘇爲客歌金石楚氛蕩滌盡雲

夢涵春澤行慰倚閭望冷官且煖席少泉鳳池亦清班郎

曹接履烏班瀾游子衣照耀海山碧研鄰一歌銷客愁再

歌客心懌酒酣歌正長醉舞豚蹄雙願祝兵甲休願見雪

盈尺詩窮不須祭如願當有獲歌成客大笑竹爆春聲擲

二十年前喬見齋同年爲予檢稷山蠶子數有急流

勇退之語除夜鐙下偶憶錢若水事拈筆解嘲

履齋後集卷七

六

不是急流勇退偶因老病休官縱使鑪灰畫盡神仙做得

還難

神仙心無富貴富貴貌似神仙多事希夷老子相人猶落

言詮

復仇亭後集卷八

壽陽祁寯藻叔穎

古今體詩五十七首 丁巳

少泉和除夕詩成漏三下勉為報章已隔歲矣

我詩聊饒歲君詩乃永夕更漏亦有情都為詩人惜客思  
藉排遣老懷亦可釋同居逆旅中百年皆過客問客何所  
為奔輪任鞭策豈知赴壑蛇飛行不留迹 今年歲在己 人皆謂

守黑孰能知其白紛紛千羊皮誇彼一狐腋烏倦翼先垂

魚勞尾更赤但令璞在抱不慮薪徒積今夕一何長浩歌  
繞檐隙多才信足倚那復論斗石側聞

寬大詔重疊浦

復仇亭後集卷八

一

恩澤 年前復有

三壇祈雪旨清刑展賑

又報楚師下乘勝如卷席吾儕

幸無事醉舞倒巾烏擁鑪楸紅埽徑琅玕碧人情重聚

散春氣易歡懌何況兩龍劍遭逢詎終隻志與寸陰競義

不為枉尺君詩咳唾成於我心實獲炳燭且相從殘年敢

虛擲

元日簡勿齋

一千里外平安社

里居社名

六十五年淡蕩人因病得閒三饒

歲在家如客兩逢春

今年立春較遲

寒鐙相對詩為伴舊雨頻來

酒漸親獨我與君無箇事門前流水似車輪

書巢再疊前韵荅少泉并簡研鄰

靖節好讀書素心共晨夕士行勤運甓每為分陰惜吾生

涉世早憂患老未釋卽小病廢學對書如對客譬彼伏櫪  
鳴顧盼不堪策又似僵蠹魚食字空餘迹南軒數弓地窗  
紙虛生白更闢西南戶屈曲開右腋竹影倚寒翠梅圖點  
新赤居然號書巢媿無萬卷積古人論爲學如日窺牖隙  
或顯處視月南北互衡石南人之學如牖中窺日北人之  
學如顯處視月一精微一廣大  
也其實止一理萬派歸巨澤誰割漢宋畱苦奪談經席君  
方運郢斤時復吟莊舄請看黃叔度萬頃凝澄碧宅心旣  
醴粹吐辭亦輯擇老我秉燭行形影恒畏隻明知學愈愚  
得寸而遺尺居鄰有二仲舊聞啟新獲但愁江錦盡不羨  
班筆擲

新正四日早起微雪三疊前韵

侵仇亭後集卷八

二

薄莫寒漸增層陰暖將夕連宵風亦倦欲雪天猶惜夢回  
鑪火存坐久硯冰釋開門忽驚喜如逢久別客舞空訝綏  
綏掃徑聞策策林鳥噤無聲瓦雀飛有迹須臾點窗明散  
漫鋪地白危飄破籬角暗集古牆腋冬山慘如睡荒野凍  
已赤似聞遺蝻種或慮愆陽積

壇殿數祈禱精誠靡閒隙展賑傾神倉清刑達肺石協風  
引和氣釀此春前澤

南郊方夙駕宣室尙前席花生侍臣衣雲擁公孫烏草芽  
萌舊青萸柳染新碧豈惟土脈滋定識

天顏懌閒鷗亦得侶病鶴不愁隻飛牋告滕六更乞澤下  
尺閨歲春尙遲先難後當獲且吟催雪詩餘事拚棄擲

勿齋和余元日贈詩有大几明窗無短晷鑿山泛海  
有閒人之句再次奉荅

豈不懷歸仍作客偶然得句尙驚人故交落落新年雪長  
日遲遲閏歲春卻病始知方藥貴忘機聊與簡編親細思  
往事皆糟粕還欲從君問斲輪

荅少泉和唐花

前日看花因憶雪六花何事故遲開春風只解催紅紫可  
許漫天作絮來

天公豈爲天葩惜凍日凝雲不放開獨有盆花偏得意年  
年爲惹早蜂來

李文正慈恩寺詩文衡山西涯圖合卷爲葉潤臣閣

復執亭後集卷八

三

讀題

并序

西涯圖文衡山爲長沙李文正作也文正致仕後於  
正德九年與文宗嚴大僕喬白岳禮部昆弟爲慈恩  
之遊賦詩四章感舊紀事屬太僕姪衡山寫圖大小  
凡二圖成而文正已捐館此其小幅也與文正詩卷  
連袞喬跋詳記顛末時白岳已爲大司馬矣後有康  
熙年間仁和湯西厓右曾跋并次韵詩咸豐六年八  
月潤臣侍讀持以示余余復從侍讀假觀詩龕居士  
存素堂文集記文正居陞別業祠墓甚詳其西涯考  
多采取湯跋又跋蔣湘帆影摹西涯詩帖及西涯跋  
詩并云於蘇齋觀石田移竹圖又得文待詔西涯圖

摹本蓋卽從此圖臨摹者十二月侍讀復以蘇齋屬

石門方蘭士薰之友陳默齋所摹西涯別業圖并朱

野雲鶴年補摹成齋竹舫圖

陳璠字玉汝長洲人官南京都御史西涯門人

合卷見示翁詩有豈執衡山卷似無之句蓋亦未見

文蹟也侍讀獲此二妙可謂翰墨奇緣矣

慈恩寺接西涯西涯門外沙築隄停雲一片照積水至  
今煙樹猶淒迷懷麓老人老安歸案無魚菜田無畦惟有  
門生數來就尋秋時復尊酒攜酒酣得句晚鐘外層樓秋  
色不可梯瑤琴三弄意未足曲終一奏神尤悽豈惟釣游  
感今昔亦因時事傷羈栖南山猛虎誰敢射湘江鷓鴣空  
自啼當時賦詩寓鶴歎更藉妙繪留鴻泥圖成人去客悲

履仇亭後集卷八

四

旣潭柳不聞班馬嘶孫叔衣冠子孫落晏嬰市宅塵土低  
祇餘卷尾數行跋珍若截肪十襲緹文章領袖擅前代楊  
李大名先後齊卽論篇翰見風操湖州畫待坡公題後來  
西厓尙傾慕詩筆雙絕超凡踐鳳閣家藏有夙好袖出萬  
頃青玻瓈方朱兩本並落手墨緣直欲誇覃溪對山偃蹇  
茶陵病史論自公堪互稽我從詩龕證詩境豁如銀海遭  
金鏡石田移竹雖未見拙老油素無煩齋

蔣湘帆衡以油紙影摹文正詩

崢嶸鄉思忽滿眼白岳遺墨曾攀躋

喬莊簡字吾鄉先輩今平定孟壽樂平山

中多白岳題字

蘇齋摹西涯別業成齋竹舫兩圖合卷用蘇齋韻再

題二首



偶因移竹寫新圖

石田有西涯移竹圖

便認西涯作五湖壇坫風流

人去後墓祠華表鶴歸無

翁詩注適與梧門蕙麓記西涯墓作補碑圖

登門自

昔推仙李尙友伊誰繼寶蘇一笑停雲真本在故吾可許

證今吾

半舫齋前送客歸沈

石田 吳 匏菴

酬唱後來稀卽看對坐

吟瀟碧真欲攜壺上翠微畫妙通神宜合傳墨緣過眼總

忘機聞君海子橋頭醉指點平泉孰是非

潤臣與同人近為積水潭之遊

勿齋題余詩集長言詠歎情見乎辭次韵志感

人生行止孰輓推霜雪變盡滄浪髭嗟我何爲以詩老君

老爲詩乃更奇憶昔埋頭伏里塾君固茶苦吾豈節四十

年中宦味薄有如不飲司尊彝看君爲郎至開府案牘鉅

履仇亭後集卷八

五

細無或遺八年身行五萬里白頭吟望仍低垂君豈欲以

詩鳴者而我讀書空下帷蠹魚老死不自飽妄意天下由

已飢少年負劍走隴右登高望遠論邊陲是時衛滑方有

事投筆欲請長纓羈翰林官職雅頌亞豪氣乃化爲委蛇

天門無階海無涯敢以窺測憑管蠡漢殿雍容廁班馬虜

延拜舞陪臬夔南車偶指越裳氏東道更訪高句驪歸來

歲月幾衰莢夢覺花木皆瑤琪故山松楸再揮淚石田茅

屋餘荒基蒙茸但擁一狐腋談笑那卻千熊羆海客棹回

入牛斗十年南國多旌旗師老饜糜逋寇在時窮法變羣

情疑雀鼠自肥貌虎臥計臣無計徒攢眉亦知艱難忍繁

錯欲以廉恥存綱維驚鴻銜殫沒何處病馬伏櫪將安之

平生憂樂寄文字晚歲聚散增懷思兩翁無聊且相對一字有幸真吾師小詩君應笑洛社大雅吾欲廣淮夷江漢雷霆召伯績明堂玉檢韓公碑秋蟲細語何足聽饒歌自有春風吹

立春日感懷

冬雪迎年少春盤會客遲遙思拾紫節已及上鐙時

吾鄉正月

十日謂之拾紫節演劇張鐙較元夕特盛竹葉聊供醉榆錢不療飢白頭羞絲勝吟望只低垂

消寒六集分詠得春游一首

三年獨臥青槐巷數里稀過白紙坊惟有街西兩蘭若偶因飯後一相羊月圓漸喜元宵近春晚纔知閏歲長藤杖不須矜爾力看吾腰腳門兒郎

○後集卷八

六

十春詞

春盤

茗盃香鑪度歲寒世人猶認作仙官豈知白髮鄉祠裏已許先嘗棗栗盤

吾鄉元日謁家祠畢設春盤於東序惟齒尊者入坐不論輩行也

春酒

西山影接太行青別酒曾傾雙玉瓶一樣屠蘇三處醉不知何處醉難醒

三兄在里大姪在長子三姪在文水

春勝

羞將雪鬢鬥朱顏留取花枝付翠鬟爲報春閨雙燕子今年戰士錦衣還

春帖

退歸已似舊桃符

朵殿椒屏記得無七十六言三十冊媿無諷諭繼歐蘇南  
齋翰林歲進春帖子詞五言截句一首七言截句二首用  
黃表朱裏小冊陳懋勤殿案上憶自道光初元入直前  
後三十餘年矣椒屏亦春  
帖類蓋嘉慶年間故事也

春衣

休論年瘦與冬肥觴詠聊從點也歸卻笑秋風吹去後春  
來翻得換新衣戲指去年  
八月事

春牛

宿麥青青春麥柔嫩寒消盡出犁溝年來辛苦隨鞭策  
海於今不帶牛

饅飢亭後集卷八

七

春鳩

曾是金眸玉爪材因時變化果誰催世間巧拙元難定且  
向春林喚雨來

春蠶

幸藉條桑得免飢三眠三起敢違時將身作繭尋常事到  
死仍餘未盡絲

春雁

遠游也似客初歸羨爾隨陽得所依偏是秋風汾水上年  
空憶雁南飛

春游

四十年中十萬里滇黔蜀道未經過爾來別有心游法奈

此歸雲倦鳥何

雪夜早起

正月十四日

老人學晏起起已先林鳥今夕若有思堅臥不得曉夢回  
更櫬急坐覺窗戶咬春雪雖稍遲微陽續冬杪譬如病求  
藥治本察其標精液幸未枯漫荅力堪矯或云不宜麥蟲  
孽難盡勦用廣韻試看土脈發終勝原火燎爾來苦錢賤市  
賈日紛擾何時洗甲兵所冀占旗旆閉門高枕在久已睡  
眠少惟此耕稼志時復憂悄悄家人笑秉燭無事自纏繞  
我詩汝豈知欲寄張京兆

鳧臠少宗伯見和歲莫之作再疊前韵報之

辛祈典禮舊會詣雪積林巒月映潭

今年次辛穀上元日入齋

遙想

復欲亭後集卷入

八

千官迎道左卽看萬騎出

郊南閒因病後詩逾健老覺春來睡不酣

先生時有期服

白髮禮

臣應悵望駿奔執事尙能堪

綠綺離絃我昔諳十年孤影對寒潭馬嘶尙戀關山北燕  
壘空餘海淀南獨羨松筠凌雪茂不隨桃李借春酣張蒼  
自是圖書史百歲仍爲漢相堪

孔敘仲

憲彝

舍人致經堂圖

君爲致經堂更以韓名齋韓公尊孔氏非經訓必排其言  
有本原如河濟江淮漢儒匯厥流宋儒循其涯上下數千  
年劍氣不可埋藏之古壁中當與金石諧登堂見禮器得  
神遺形骸大哉聖人門以韓爲梯階君欲致古訓煖妹非

其儕還當坐小齋顯處視月佳羣言衷諸聖不使大義乖  
雅言求諸經詩書執禮皆

韓齋雅集圖為孔敘仲題

戴侍郎作

戴畫吾有三山水多平遠西山雙橋精舍與西湖去年自圖淀園作錢唐寄

幅兩地情繾綣獨有憶松圖為吾鄉方山作雄秀爭絕巘此圖酷

相肖陡筆無一偃白題云密林陡障自云師造化意匠闢關鍵韓

齋文字飲望雪迫冬晚蒼翠忽飛來寒林出高蹇即此抵

寫真忘形到嵇阮竹亭疑聽雨誤筆乃更婉敘仲即以此為雅集圖姚

伯昂前輩誤題為聽雨雅集搦新例奇緣增藝苑九年三上元題句

何宛宛頗怪畫通神若與時推挽足音在空谷幽芳託蘭

畹亦何必見戴乘輿聊往返戴鹿牀以上元日生畫作於己西上元葉潤臣題於甲寅

復仇亭後集卷八

九

上元今年上元余適題句

上元後二日南軒見蝶移於北堂盆花上經夕不見

病叟知春晚微蟲得氣先黏窗疑墜葉著袖似浮煙雪積

前軒冷花餘小室妍漸含飛動意聊試轉移權入夢元同

幻依人亦可憐重簾留不得恐是太常仙太常寺仙蝶時來往人家

消寒七集題憶松圖二首

五十年來影苔形眼中山色夢中青萬松圍住三間屋可

是復仇弟二亭那文毅曾為余書復仇弟二亭額

鹿牀居士謫仙才借我離愁付酒杯十載孤山鶴飛去孔

竇何事不歸來錢唐戴侍郎道光二十七年為余作憶松圖今侍郎高隱已及十年而余仍以老病

留滯都門展卷慨然

柳谿寄元旦詩次韵卻寄

新年好句屬閒官春入山城氣尚寒悃悞無華知政簡催  
科不擾得才難飛箋宛接仙人舄論事猶披壯士肝十載  
幽蘭在空谷雅琴定遇賞音彈

夜夢得句醒足成之

東風解凍魚吹淥南畝耕煙麥吐青正是春游行樂處半  
窗斜月夢偏醒

詩船慈仁寺雙松圖頃爲偷兒卷去以詩見示次韵

戲荅

雲自無心月自閒畫禪詩境偶相關明知鱗甲能通變故  
遣飛騰爲破慳繭紙豈隨蕭翼去滄洲仍送虎頭還巧偷  
未必能豪奪更補松寮雪後山

漫徂亭後集卷入

十

戒師欲於寺後起七丈土岡復毘盧閣舊址借詩船

韵頌之

老僧不放景光閒種樹移花晝掩關猶爲登臨歎塵劫徑  
思披豁露天慳願深那計年遲莫居近何辭日往還會待  
眼中來突兀隔城招手得西山

臆藪前輩示近作賦荅

今日風日晴火鑪尙餘寒午窗坐假寐閉眼觀鼻端臂痛  
幾廢書醫云風在肝春氣狎孱軀攝生良獨難忽枉珠玉  
句美哉直而寬學養見情性感慨餘悲歡

四朝數耆舊

先生今年八十六歲

九列儕鸞鸞偶然得澣沐市月調

眠餐參語思賢闡道冲能達觀近已拈老筆研池生微瀾

灑灑二百字清芬披幽蘭

病起口占五首酬酢到後學肖眉海詩

深思託柔翰中有驚人語懇懇追杜韓賤子少廿歲寒竿

澀將乾三疊尖又韵氣衰力已殫載聆陽春曲援琴不敢

彈報以下里歌歌鄙心則酸吳楚尙干戈老成國之磐年

豐兵氣銷賢才惟任官

宵旰方殷憂偃臥焉得安每恨蒲柳姿幸望喬松蟠詩成

臂欲折想見顏渥丹

先太夫人忌日感述寄三兄

正月二十五日

陳情志未遂貽此終身憂升斗亦何裨不得親彌留每念

此日苦胡爲事遠游憶昔聞喪初居此城南陬纒絰不及

徼仇亭後集卷八

十一

待星奔如逸囚弔者及門反鄰人擁牆頭送我銜恤去倏

忽三紀周昔爲強壯子今爲衰病叟向時登堂客大半歸

首邱有妹過六十

平定張氏妹今年六十一

兄年八九秋

兄今年七十二

六十

吾又五已與先子侔兄算亦過母

先大夫享年六十五太夫人享年七十一貞

疾天所優骨肉餘三人逝者骸未收

六弟柩尙厝金陵城中

前年兄

暨來臨別淚並流吾妹去年至謂兄疾似瘳千里馬頭月

聚影良難謀太行雲萬重鬱鬱隔松楸吾豈無家歸江漢

兵未休餘生幸不死願覩方叔猷今日吾家祠知兄陳膳

羞扶杖尙能拜子孫衣共樞吾亦著冠帶堂北洗酒甌吾

妹記侍疾欲言聲哽喉使我肝腸裂雪涕煎雙眸小孫侍

翁食怪翁顏色擎翁言問爾父或當悉其由人生百年中

事遠情亦悠惟此劬勞恩萬端無一酬作詩報吾兄同氣  
古所求

竹軒族兄身正寄吳六弟詩感慟答之

詩不能傳畫未工江天極目但青楓余有吳幼章弟詩四篇并寫江天極目圖

欲知歐血臣心苦盡在金陵一疏中

江漢東流去不回招魂何日得歸來聞君灑盡寒窗淚應  
爲吾家惜此才

消寒八集呈夢巖先生並簡心園亮功世講

莫道山川遠間之太行祇在白雲睡定知粉社鳴珂處正  
及椒盤進酒時小別送君千里月兼旬欠我兩年詩雪泥  
蹤迹鄉關夢卻望飛鴻有所思

侵欲亭後集卷八

十一

正月晦日有感季弟諱日

城南臥病將三歲江上愁心已四年歲歲春消殘雪裏年  
年淚落早花前花飛尙有成陰日雪盡還逢作雨天天若  
無情人不老何爲此日獨潸然

次韻顏夏庭培瑚侍御見贈二首

蒲柳衰姿媿豫章幸依葵藿向朝陽

龍光每捧雲牋燦鶴俸空霑玉粒香尙念哀鳴飛野澤那  
堪羸病服驂襄十年仰屋曾何補對影君看鏡裏霜

腹笥便便羨郝隆搜才早已徧岐豐峩冠合稱昌言職陋  
巷猶存樂道風金馬論思應未厭花驄行步不求工詠歌

難遣閒愁去聞說寒郊有轉蓬愁去詠歌頻魯公送耿漳拾遺聯句



詠折枝瓶花

二月三日

如煙如夢隔窗紗，裊裊亭亭雙角丫。道是無根偏有恨，生來只作膽瓶花。

小孫女端見是日以痘殤

說夢

少時嘗夢至一處，朱門楹桷如禁署。一青衣導入重門，寶殿當中夾陛，桓東階下有修人臥頂南，踵北數百步。不知何時已入夢，兩睫塵封鐵生鑄。旁蹲大鳥頭入雲，仰睇殿脊見其喙，鳥忽低頭示余意，勿驚射睡觸彼怒。余雖不言，意暗解急趨上殿，不回顧空中高現諸法相，羣怪奔走非繪塑。余時脈定，百念息更無罣礙，無恐怖遂開北闌，得深院草長蔽徑，曲闌護西廊。少年擁刳坐玻瓈，隔窗鎖煙霧。

復仇亭後集卷八

七

清曠不轉語，微會本無所著於何。住旁舍三楹，書負棟，脈望守之，不敢蠹。手疲目勑，讀未了，窺東門闌，見歸路回頭一笑，緋衫郎相送拍肩，宛夙晤期。我五五更來游，口前截斷，若有悟從此一夢二十年，閉眼不覺神已赴。修人大鳥都不見，惟有書室靜如故。卽今老矣，猶讀書舊夢無痕渺。難遇觀齋應作如是觀，夢中說夢無字句，世人亦說夢爲妄，乃以妄念爲夢，誤若知夢從何處來，便知夢從何處去。此五十年前舊夢也，每年必夢數次，皆從東角門書室出入，不經中殿而西廊少年熟視，迄無一語。至廿五歲後，不復作此夢矣。咸豐七年二月三日，觀翁記時年六十有五。

金樓子聚書篇題後

龍文玉軸八萬卷豪奪巧偷四十年不識隋家經籍志劫  
灰曾否得遺編

高誼篇訓陳勿齋表弟

千金投贈古所重於解組後尤爲難何況清風三十載毀  
家早已輸之官君雖罷官子通籍孰得孰失可以觀世人  
答兒不自量尺蠖之伸由屈蟠太邱積德已矣世子舍中  
萬芝與蘭六旬就養羨偕老健步時復思據聳嗟余長君  
僅一歲眼花臂痛精力殘紙閣蘆簾久矣寔江雲海月空  
悲酸蔭及任子老且病臥糜廩祿心何安而君乃復念樗  
朽一紙豁達傾肺肝將謂交游親故少更憐骨肉形影單  
○ 履執亭後集卷八 古

饋余薪米貴  
并博恤季弟

伯夷之粟延陵劍古來高誼雲霄干開緘再

拜謝不敏受施豈敢忘素餐方今錢賤米翔貴欲推所惠

周飢寒

近有大員捐米平糶之議又五  
城捐將代賑卽以此款應之

餘力猶堪辦鮭菜

君來不愁杯酒乾近聞楚軍已東下白門日望歸旄丹麥  
舟倉卒幸得濟魂魄離散終當完感君此舉邁流俗使我  
揮淚增慨歎世間雲雨手翻覆援琴欲向何人彈老懷枯  
澀乏瓊報春色那有來豪端

荅顏侍御詩誤題月日書此解嘲

絳叟空疑亥桃源不記春君看玉階上萸葉幾番新

李益  
問路

侍御六月大小詩云故  
入爲柱史爲我數階莫

題黃河圖

黃河落天上天漢本澄清一出昆侖後人間風浪生誰能  
問清濁曲直自分明

宗滌甫給事

稷辰

將之東河工次賦詩贈行卽題其

詩集後

越峴山人今給諫居鄰舊雨往來慣左臺鸚鵡屬老成東  
國河流待安晏今年春遲似惜別楊柳初黃花未綻多病  
朝車已久懸一尊祖道無由辦客秋示我詩盈篋經史紛  
綸互貫串每思點筆輒自媿寸筵撞鐘毋乃慢君文壁壘  
出韓門詩亦從衡得梯棧早從騷客拾香草晚抱牙琴想  
幽澗力追險絕歸平正枝葉浮華悉鉏鍤立言尙恥躬不  
逮兀坐空齋見真幻

躬恥齋詩草前後見示二十五集

果然聲價重臺閣

後集卷八

五

不獨星雲歌糾纒爾來絛疏論時事隱與

朝廷共憂患江湖未斬跋浪鯨中澤忍聽哀鳴雁一言豈  
弟荷

知遇百爾靖共紆顧盼方將讓功不避過豈以迂濶防嘲  
訕

綸言諾誠彌感奮豸服巡行敢欺謾河間侍郎金隄使

李夢

韶河

直道相知定無間久悲汜濫民爲魚縱有犁鉏泥沒

斲宣防自古賴籌策精力於今困游宦此行莫云驄馬瘦  
忘機奚問冥鴻篡似聞河南麥已種卻望淮北甲猶擐君  
無遽懷鑑湖曲我尙未歸石艾篋會看天弧掃櫓槍重築  
漕渠翦葭亂東去人迎白鷺車南歸酒有嘉魚汕乘風破

浪老益壯

紫諾黃麻舊兼綰獨憐過門少車轍猶自呼僮樹籬柵所

切詩成儻許附驥尾它日不羞鵬笑鷗

釣磯立談題後

書止一卷作者自稱曰叟不署姓名十國春秋南唐諸書皆以為史虛白

撰其言江南興廢事甚備虛白字畏名臨終謂其子以元宗賜酒為殉鮑氏廷博据白序使小子溫成誦但云不仕未及臨終遺命則似非其子追記也

不願留名向釣臺割江一賦總堪哀便教醉死廬峯下猶

戀南朝酒一杯

春分前一日雪二月二十四日

陽氣滌凍塗網緼已三日如何春及半猶見花六出天公

潤萬物風雲為輔弼能司雨雪權豈無轉移術雲師從風

侵飢亭後集卷八

共

伯奔走不遑逸靈霖雜雰霧神功未易詰老農負耒歎望

澤敢求溢亦知飢渴久生死難自必及茲事春耕黃犢猶

可叱但祝東風來吹面不寒栗雨雪皆土膏何者非恩恤

青青隴上麥鬱鬱行復茁春雲滿西山花柳如絲密

孫駕航閣讀見示蠟梅長歌賦荅二首

江城三度臘嘉平笑倚黃梅眼獨明誰向西堂尋舊句每

因南雁寄離情

曩在江陰使院有蠟梅詩

高門錦幄圍鑪看鄭即一株高出檐角

冬覆以屋鑪火烘之其花特盛

小巷柴扉策杖行

下斜街居鄰花市

兩事蹉跎一

春夢蜜蜂無計醉先生

羨君彩筆發仙姿能寫蘇黃絕妙辭紫陌已開驄馬路碧

梧仍借鳳皇枝

君時名御史

巴江幾處曾題柱前年典試四川謝聖

頻年尙奕棋

聞重庭符卿尙書頤養安善

桃李門前春似海白頭親見

種花時

### 太常仙蝶圖爲駕航題

仙蹤夢境兩無猜鳳閣留傳粉本開一笑相看似相識雪

天曾到竹窗來

今年上元後見蝶與此圖宛肖

孫萊山編修

鏡汶

見和蠟梅詩次韵奉酬並簡駕航

令姪

如意門東春水平看花時節已清明夕陽無限煙波思舊

雨難忘尊酒情

昔年與尊甫同年尙書澄懷園同直今並歸林下已三年矣

閒裏觀書

慵點勘病餘作字誤眞行玉谿錦句煩投贈

君頗喜義山詩

應笑

年來太瘦生

饒執亭後集卷八

七

蒼茫巖壑轉春姿磊落胸襟吐麗詞金石千聲還並奏移

華四照本連枝

君昆弟並一甲高第

驚人自有凌雲筆願我真如退

局棋聞道玉堂方給札

近

詔詞臣三十人分寫文選君與其事願書金鑑荅

清時

漫徂亭後集卷九

壽陽祁雋藻叔穎

古今體詩四十九首 丁巳

竹闌

南軒北窗下有竹數十竿芳椒間丁香竹外地稍寬穉槐  
牆西隅逼仄礙檐端乳犬銜墜籜奔逐如沸湍箭倒筍復  
折勢不得上攢可惜森爽姿蕉萃叢半殘病翁顧而歎孤  
立良獨難課僮翦枯木密插橫為闌移槐井之眉得所斯  
兩安汲水聊灌溉春雨久已乾灑然微風來動搖青琅玕  
亦知翠袖薄茅屋幸尙完青靑陵陂麥翠鋸力已殫念爾  
免蹂踐循闌行且看修柯信不改相與期歲寒

漫徂亭後集卷九

痘詩付彭孫 丁巳二月二十五日

北宋前無治痘方字書孳乳亦未詳董君 汲 斑疹論已佚

周 密 趙 賓 陽 數語其濫觴斑犀玳瑁髮髯似陳家小兒 黠

花面妝元明以後診法備仁端錄始徐仲光 明徐謙 探索

羣書著理辨專門繼者祁門汪 機明人著痘症理辨 大抵胎元主一

說歲氣之論糊於黃 元御國朝人著痘症理辨以上見四庫全書或

云武谿蠻流毒慧苴傅會殊渺茫 李時珍說 或云染自遼入汴

時醫口傳難校量人情耆欲如沸湯以酒為漿妄為常卽

謂先天氣所稟何至近代疾始彰若使歲氣由溫疫何以

一發不再創疹雖似痘痘非疹以今攷古數典愈竊疑古

者重改火鑽木以時傳燧皇施諸飲食逮乳哺襁褓或免

瘠與瘍木火究殊石火烈縱有疾病差易防清明日賜百  
官火古風沿襲終李唐宋初此舉尙不廢石泉槐火存斷  
章自從石火取攜便木乃林囚火遁藏星吞電吸灼肺腑  
冬愆夏伏乖陰陽遂令二豎巧乘隙出入鼻息潛膏盲虛  
實攻補議蠶起百草亂門誰敢嘗金童玉女環守牀求醫  
不得祈神禳時俗小兒出痘必祀痘神豈知中醫常不藥和緩孰是古  
之良仰瞻金鑑補造化種痘有術同時秧欽定醫宗金鑑有種痘一門  
庶幾十全百不失物無天札天降康昔我孩提今老蒼抱  
孫就塾若有望先時培植病未遑猶幸醫藥慎所當俸錢  
獨媿民流亾保赤無力心暗傷期爾黃犢頭角強它日爲  
翁勝服箱作詩念哉孫彭郎

侵仇亭後集卷九  
送雷少泉訓導之官鶴峯

二

昔歲在壬子君來顧吾廬樞直事方殷一歲三移居其時  
寇北奔自粵及楚吳慘黷日萬變羽檄飛江湖君悲黃州  
守知己忽云祖投筆出國門念我手足孤再來我已老臥  
病城南隅執手各揮淚往事難重臚側聞高堂健鄉樹森  
門閭又報楚氛淨墟里無萑苻一第何足論經師世所須  
觀君精悍色眉間黃氣敷文章如波濤一瀉千里趨如木  
堅多節華實交相扶乃知真性情中自有坦途吾衰欲焚  
硯力不能著書徒抱幽憂疾久無酬唱徒舊交忘形骸佳  
句時招呼忽誦留別詩使我心踟躕杯酒日以疏歲月日  
以逾雲龍會相從金石終不渝夷陵古名郡五峯亦奧區

君歸奉安輿流覽桃源圖

鶴峯或云卽古桃花源

烽火不到處山川

清且腴幸無惜尺素爲寄雙鯉魚

借戒公竹院過夏詩以訊之

寺前老松能漏月寺後叢竹更藏煙東頭一屋人不到可許來參玉版禪

清明日看桃花次少泉和世長韵

晴川赤壁埽烽煙旅思愁懷一豁然壯志何曾銷劍氣冷官況有看花緣酒從萱草堂前醉人比桃源洞裏仙笑我衣塵猶未浣雙松春盡坐枯禪

詩船少宰以說文統系圖雪浪石圖見貽皆嘉定程

穉蘅

祖慶

摹本也走筆謝之

履齋亭後集卷九

三

怡園示我兩幅圖無礙居士手所摹說文宗許逮後儒雪浪銘出眉山蘇懸之坐右拜且趨石不能言笑我迂迂哉乃有履齋子退筆塗抹老未已空谷惺然心獨喜聞道怡園花開矣作詩賀翁謝居士

次韵宗滌甫顧祠修禊

逃名誰識主年老別思秋江餘畫稿弔鶴空歸曲沃園浮家莫問崇明島當時兩馬載書卷周覽中區恣搜討都門古寺偶停驂歷下東湖旋就道至今遺蹟人尙思對客炊羹事堪攷以上見張石州所輯顧譜離披書帶想階阼鬱勃虬枝動鱗爪先生精靈何所寄落葉荒榛不可埽糟粕空將蝨簡求弋羅仰視鴻飛藐繡衣使者老給事騎馬避人焚諫草猶



登禮堂肅瞻謁共薦溪毛勤采芼

集韻三十二  
皓收芼字

鴈詠恍依

蘭上里雲山直接花蒲保

崑山里居羣賢蓮社荅形影

是日陶  
覺鄉前

輩在滿坐龍門歎淑皓春遊城郭天氣新歸路林花詩句

好猛思江海多旌旗不覺風塵雜襟抱郡國誰尋利病書

功名且試河山表白頭吟望獨低垂無復飛騰馳翰藻

春晚黎城王英齋

發越

平定陳勿齋

土枚

潞城郭雲

亭

驥遠

小飲春草廬得句

停雲不隔太行西潞酒盈壺勸客提幕向尊前聞布穀深

山細雨正扶犁

三月二十五日感作寄三兄

六五衰翁淚暗垂今年今日更堪悲卽看峻阪奔輪際

香

漫飢亭後集卷九

四

句我今六十五  
走若下阪輪

已過高堂易簪時多病弟兄仍健在故鄉

耆老尚存誰平生憂樂無窮事說與兒曹恐未知

四月三日慈仁寺同人補禊和少泉感懷韻并簡研

鄰光署

花片成茵絮作氍燕臺留滯又經年恰逢首夏清和候遙

見西峯紫翠巔閨歲春遲宜補禊歸囊詩重已盈編紅塵

影外桃源路到處山川總豁然

餉鮓何煩問老漁編籬儘許賦閒居一官且遂娛親志二

西應探濟世書定有虹霓騰劍氣未容苜蓿戀槃蔬鄰房

笑說新籩熟法酒還堪餞客車

次日研鄰招飲聞良  
醞署有明時舊釀具

占雨 四月六日丁亥

丙丁占穀雨里諺記田公吾鄉農占穀雨後常以丙丁日雨機已一爻動

氣猶三月中十一日始立夏舞號情更迫杯琰術難工竟日竹闌

外東南盼好風

夜雨連朝喜作四月八日

昨移盆花遮破籬瓦餅往來井之眉明知春雨望已絕綆  
汲聊復蘇渴飢顛風午息莫雲合睡起忽聞檐溜垂開門  
燕雀競相賀覩土已逾三寸滋不知隴麥抽幾許窗竹一  
笑橫新枝西街寺粥苦難繼東市米價應少衰龍星體見  
萬靈埃和氣醞釀銷羣舊病翁胸中如有詩所樂何事慙  
其私且參玉版散花雨結緣欲破無言師釋家以四月八日為結緣日

月夜早起

覆仇亭後集卷九 五

薄被催人起疏鐘送曉來風林元自定月闌了無猜孤坐

萬緣息靜觀羣動該明朝有嘉客花徑埽重開

四月十九日長椿寺看花遂齋月公南堂次滌甫給

事韵

同遊者王嘯山鴻臚發桂翼養和舍人自閩叔雨觀察自閩昆弟

鄰舍蜜蜂醉已久書巢老蝨空自守看花難得素心人坐

客都無寒具手是日同觀朱澤民山水長卷街西古寺晨粥散門外殘

紅輭塵厚花天無風良獨難玉版同參信非偶爾來蓮社

寬酒律每誚釘槃止三九水齋至今奉師戒蔬筍留賓忘

組綬或摩黔崖證禹碑或舉晉觴思周自天葩古豔出金

石似笑風人燎且惱都城黃紫門姚魏足繭肩頰壓擔走

兩叢高倚祇樹園廿載寒泉一瓦甌求詩問法了無礙卽

色觀空任所取試看鐵釜生青蓮散作醜醜千萬口

寺方散粥

棠枝並照羨村鄂蘭吳同心感寮友媿我桃花飽餐飯勞君綵筆貽佩玖松下高風五月秋褰裳更步蒼髯後

去秋君有

慈仁寺松間曉步詩

紅巖碑歌爲王嘯山

發桂

作嘯山典試黔中得摩厓拓本劉寬夫坦題呂堯

仙伶孫重摹縮本並記

紅巖插天黔西陬上有萬古不死之赤虬擎雲掣電鱗角出化爲雨粟神鬼愁方圭員壁羅尊卣金繩鐵鎖珊瑚鉤或云誓苗碑遺自蜀武侯漢隸俗書那髣髴二篆史籀俱非儔或云殷宗伐鬼方鑿山勒石銘厥幽傳巖一夢且圖象三年偉績豈無文字留後人好古喜觀怪鐘鼎款識窮

夔飢亭後集卷九

六

彫鏤何況爻頌燦然簡冊具震用來享聲靈道叱馭使者片紙收黎火一照回雙眸毘陵中丞手摹本疑是湯孫有綴旒細觀刻畫體尙質祖辛父癸差相侔千搜萬索忽在眼韓公浪自悲猿猱岫嶮碑却陽鼓石不能言器則古羅施鬼國今編戶神物晚出斯爲伍我詩姑質王劉呂才薄敢望博士愈

附錄呂記

右碑文在安順府永甯州五十里之紅巖山磨崖文字

奇古三十餘字碑高丈餘寬廣倍之歲久剝落筆畫猶

可辨識俗傳爲諸葛碑則以其地有諸葛營也無論武

侯軍此史冊無徵卽考之漢隸文殊不類或有釋爲殷

高宗伐鬼方紀功之刻者細繹釋文亦多穿鑿附會似  
難徵信然其結體古茂字畫渾勁與鐘鼎古篆相類直  
足上儕禹碑其爲三代之物無疑也購搨甚難非疊架  
重木集數十人之力不能得一紙爰依其丈尺以十之  
二縮臨此本以便觀覽咸豐壬子長夏陽湖呂佺孫識  
黃寸園 足民 端陽景物小幀嘉慶庚辰歲作也重裝  
題句

夢中詩

殘絹尙新裝故交安可忘白頭一彈指三十七端陽  
片石足抵雙南金南金不如志士心志士之心何所見石  
泐金寒心不變刻石作肺鏤金作肝無血則枯無心則頑  
烏序烏蟲紛紛不可讀寥寥此心誰爲傳

○ 履仇亭後集卷九

七

丁巳之歲端午次夕夢人以古器來若尊缶之屬文字  
從衡離合不可識欲紀以詩得二句遽寤急尋殘夢竟  
續成篇 并記

次韵寄郝夢山

臺魁

同年絳州

壽眉仙骨想神全蘭芷盈階竹數椽萬卷尙聞君坐擁九  
衢空笑我車懸淀園小聚猶如昨絳叟重逢不記年  
前使隴時  
往來驛館 再與君見看取鳳毛雙濟美禮堂眞合老而傳  
君七十又得一子

罌粟花歎

如何美人花化作芙蓉土誤入藥籠中此身難自主瘴海  
飛火輪天魔散花雨著人心骨醉養此百年壘自從屬市

開掘載利姦賈呼龍種瑤草勢欲劫鳩扈直愁地力盡九  
穀爲之腐嗟爾米萬囊結實比黍稌飢餓不能救轉自灼  
肺腑得毋妖豔妾甘受羣鬼侮白骨銜沈冤黃金買歌舞  
嘯吸兵燹餘不懼神靈怒氛煙出口鼻淡巴菰鼻煙雅嗜  
片皆自洋來  
欲迭攻取人事各有漸孰與司防杜此花亦何辜衆草羞  
爲伍吾將訴炎農竟欲刪藥譜非種悉鋤去無令媚田祖  
九州大瀛海日月照臨普豈爲一物慈忍彼衆生苦夏雨  
旣云足扶疏繞庭戶歎息復何爲所思老農圃

詠莪相國示讀松風閣近作有題余所贈華岳圖詩  
次韵奉荅

我本晉鄙人結廬近潛邱老病滯京國家山虛臥遊夢中

■ 履齋亭後集卷九

八

青蓮華遠接天西陬卅載兩經過惜未攀巖峭古翠落襟  
袖一紙空復收每望太行雲遙指仙掌秋公今作霖雨傅  
巖應旁求此圖合持贈我亭已休休聚米畫山谷靜對資  
冥搜中條太華間元氣爲詩留坐聞松風聲心有江海憂  
曾雲已盪胸公詩有岱宗  
會登眺之句玉井方洗頭尙憐失羣雁汾水  
心悠悠

爲王嘯山補書槐圓別墅舊額并題

綠陰圓處得三槐嘉客時時共酒杯知有音聲暗相報十  
年曾聽讀書來

長夏卽事

涼棚初起晝沈沈小拓紗窗納綠陰投餌陳魚元不計解

懸縱雀亦無心閒談杯酒鄉音熟時舒敦兩姪友直友老麟兩姪孫俱在京寓  
覺雲山畫理深自有空庭容廣步未妨疏嬾是清吟

嘯山以紅巖碑縮本見贈次滌甫韵賦謝

禹績仍留未鑿山商書不紀勒銘還至今篆刻疑三古如  
見聲靈震百蠻拓本流傳鐘鼎外浮槎載取斗牛間即看  
文德敷荒徼銅鼓銀簪盡款關

少泉以余訓和諸詩裝冊臯薌前輩見而題之次韵

奉謝二首

倦鳥歸林任所之詩篇付與酒杯持江城玉笛催人別又  
是桃源放棹時

敢道雲龍上下之鉅鐘容我寸筵持等閑卻被柴桑笑不

漫札亭後集卷九

九

見西廬唱和詩比年與臯翁時有酬唱

歸安姚正甫承輿爾雅通解稿本書後

邵晉涵前驅迴絕塵後來追步亦艱辛豈知爾雅

二雲郝蘭泉

蟲魚注卽是當時磊落人文字遠徵三古訓淵源旁涉九  
流津紛吾豹鼠終難辯誤讀空餘老病身

黃小松易嵩洛訪碑廿四圖爲李竹朋佐賢題并簡

何子貞紹基

黃侯嵩洛游訪碑自開元杖策汎水東山勢橫蜿蜿遂破  
密高門取徑由轅轅少林倚少室面壁初無言石闕何岩  
巖篆刻遺荒原森森漢時柏劫火不敢燔尙疑啟母石祕  
簡緘璵璠嶽祠鎮中央衆峰四屏藩石淙下無地上接天

池源黃葢間積翠搶幢連頂躡玉笙出綠嶺鸞鳳鳴且窳  
盧君舊草堂武子盧谷新山軒千載有同調幽澗琴潺湲

石交榻頻下勝彼穉與蕃洛陽名蹟多白馬雄祇園龍門  
香山間樂天昔攀援北邙望太行丹翠秋陽暄歸途及冬

朔去時籬菊繁醴蠟留手痕一洗沈埋冤蓬萊老仙吏畫  
鹿雙輪轡岱圖世並傳墨采騰龍鵠竹朋得其龍觀齋闈

其樊謹護爲題句幸止廿四番向禽儻作繪五岳詞更煩  
自嘲復自解坐客且莫喧詩境倡先聲每圖覃谿先諸老

和篋塹近者何太史健筆埽詞垣況從泰華還飛屐天風  
掀峨眉瓦屋吟口海波瀾翻周旋壇坫側其敢屬囊鞬操

觚且急就聊以志弗諼臥游吾老矣蝮叟眞如蝮子貞晚號

節錄廿四畫記

復仇亭後集卷九

開元寺鄭州城西慈寺汜水東關輟輟闕一名崑嶺口在

於少林寺少室五乳峯下少室石闕邢家鋪嵩陽書院太室南麓門外

有漢柏開母石闕崇福宮東數十里闕北啟母中嶽廟

二株嵩山黃蓋峯之陽廟石淙城西四十里平洛澗於此會

前太室神道雙闕嵩山積翠峯下前嵩嶽寺嵩陽城氏山在偃師

善寺銀杏翠柏甚古嵩嶽寺嵩陽城氏山在偃師隄山城氏山在偃師

嵩少諸峯三面環列誠仙境也武后昇小石山房偃師

仙太子碑題目一行碑陰上半皆辟稷書小石山房師

武虛谷得晉征東將軍平等等寺寺址在義井鋪白馬寺

洛陽大覺寺東魏大覺寺碑韓毅書武虛谷得龍門

有方塏洛陽城東老君洞龍門伊闕洞壁刻經明人鑿伊奉

山洛陽城東老君洞龍門伊闕洞壁刻經明人鑿伊奉

先寺老君洞香山伊水之東自龍門舟渡公山嵩洛歸

洞北香山伊水之東自龍門舟渡公山嵩洛歸

及巖見黃河如帶南瞻嵩嶽北眺太行秋色渡河至孟

太行輿人指宋八陵隱隱可見縣出城東

返無日不見太行山色嘉慶元

秋樹丹青眞畫境也晉碑呂望表盧無忌文嘉慶元

年九月自開封至嵩洛十月經懷慶衛輝東還往返四

十日得碑四百餘種遊屐所經成此廿四圖以志快幸

錢唐黃易

孔敘仲舍人見示錢唐戴侍郎山水小冊卽題其後

侍郎自是山水人偶以冠帶纏其身一朝點筆破空去如

鶴出樊魚脫綸西湖眉黛爲君嫵借我湖光洗塵土招隱

曾憐祁孔賓去年寄我溪山尺幅掉頭還憶孔巢父眼明再見湖上

山裊窈沖融相對閒就中兩紙更奇絕峭壁寒林照積雪

江南江北總愁人十年重惜燕臺別誰道先生歸去來煙

雲往往落天涯歲莫懷人一尊酒留將雅集續韓齋韓齋雅集

圖卽戴

孔恭愨公蘭竹遺墨公諱毓沂今畫軸藏敘仲

游藝尙傳蘭竹石多能奚止畫書詩遙知禮樂編成後正

及南山獻壽時作畫時康熙五十三年聖壽六句之次年也公年五十有八

夏至日答臯翁前輩

一年今日最長日閏歲時光憐老杖晨起風雷捲地過午

陰槐竹圍窗密鄰叟園蔬對酒傾詩來又聽打門聲玉溪

好句誰人解臥病空堂雨未成

附臯翁詩

臥病空堂雨未成晚暄催取葛衣更加餐恰得園蔬力



我似王瓜五月生

閏午日書懷

重五四逢閏百年強半過壯心隨病減老境入詩多亦有  
家山夢其如江海波瀟觴還勸客莫惜醉顏酡

海鳥

海鳥曰爰居遠巢西海西如何九萬里翩然魯郊栖將毋  
風爲畜中道胡不迷古者雉獒貢思患防端倪異哉臧孫  
智曾不故府稽一朝鐘鼓饗漸及幣與圭初筵尙震駭久  
乃甘如飴樓臺蜃市旁出入千虹霓海鳥非一族同居情  
則睽箕斗天漢高烏鵲橋梁低織錦能幾何報章終日俟  
天風吹海水青冥安可梯午日今再中爲語桃都雞

馮仇亭後集卷九

十一

三兄寄示詩文題後奉荅

老子今猶興不淺家書往往寄詩文殘年哀樂憑消遣萬  
事升沈屏見聞別夢易醒燕市酒歸心難逐太行雲何時  
海內干戈戢十畝兄耕待弟耘

慈仁寺柏槐皆數百年物也元時雙松今已補植獨

此蔚然尙存閏夏雨後與客納涼其下歸而賦詩以

張之

慈仁古松不可見雙龍變化今成三尙餘鱗甲入圖畫僧

繇妙筆傳精藍

張詩船有雙松圖

其旁柏槐額更古蒼髯老友彭

與聃游人題詠顧弗及時有野鶴相對談直榦豈肯作蟠

屈清陰亦復能包含念茲嘉樹欲延譽才薄固知起不堪

今日涼堂雨送客萬緣一洗神姿酣柏兮槐兮四君子衣冠甚偉鬢眉麤回看三松少氣色黃綺山立蕭曹慙苦心堅節閱世久時乎未遇沈淪甘西山偃蹇城之南欲往從之車脫驂松壇竹院忽有得坐臥其下吾非貪似聞空谷足音喜佳處早已留茅菴

頌借竹院過夏

閏五日張石卿

亮基

招同嚴仙舫

正基

鄭小山

敦謹

宗滌甫

稷辰

王英齋

發越

集長椿寺清齋苦茗作永

日談次滌甫韵并呈諸君子

幽栖近僧寺老病得休寢重五四蓬閏餘年任天遣敢希眞率會幸免儔侶厭彭城方蒿目濟時心未倦

石卿以目疾在假

楚材國之楨松桂蒼且蒨

仙舫通政小山太常

越吟獨清烈冷然御

稷仇亭後集卷九

三

風善

滌甫近作浩然爲御圖

蔬茗展嘉節儉歲無侈願我士懷瞿瞿

日月逾急箭將從潞子歸采藥分野饌

英齋時亦致仕

時艱米價

踊地僻林花絢黍苗且待膏馘暍誰爲扇江海洗兵甲一

雨崇朝徧感奮及衰朽轉移在時彥無肉未必瘦有酒不遑嚙君看九衢塵車馬日馳轆門前有翳桑回顧足悲戀

微雨晚步

閏五月十九日

揮汗送長晝灑空來片雲夕陽明處見深樹靜中間幕燕欺風力盆魚惜水紋微涼宜病叟強步敢辭勤

夜雨達旦疊前韵

莽莽飛檐瀑沈沈潤礎雲氣蒸三伏始是日入伏聲徹九霄聞白髮憐新沐青苔踐舊紋閒居免炎赫誰識

聖心勤

題滌甫給事浩然為御圖

畸人乘真以氣行雲車往來白玉京洪厓浮邱衛叔卿其  
道窈冥遺世情列莊二子猶近名御風之說泠然清欲往  
從之愁尹生越有宿儒德充盈養氣無暴老而嬰浩然獨  
與道義并曾夢羣仙抗手迎曰吾有願無它營吾師子與  
心久傾作圖是用堅吾盟世人不知疑且驚姬將告汝以  
至誠語非其人喪厥貞履劼亭叟短鐙榮學道無成守硜  
硜河上老公氣亦平驄馬雖瘦轡則輕顏闔東野技孰贏  
劇旁劇驂皆夷庚懷哉且毋歸志萌

閏夏雨後長洲相國見訪適避暑慈仁雙松之下未

履劼亭後集卷九

古

獲晤談詩以謝之

沈沈伏雨長青苔深巷無人遠市埃松下偶尋雙鶴去門

前偏引八驪來傳家珠玉容先覩願以先澤詩翰示觀屬為題記埽徑蓬

茅惜未開日暮蒼茫成獨立西山目送片雲回無氣行

題符南樵孝廉

葆森

半畝園訂詩圖

時選刻國朝正雅集百卷

別裁雅集湖權輿高蹈文章盛昔自題無字營吾祠于國

國初百二十年壇坫在風流直接沈尙書而聖哲於

小已何如大雅材論詩自古有衡裁一言會得無邪旨曾

是鈞章棘句來聖車去來曰正京楚里

筆海詞林萃萬端搜羅差易取材難亦知巖壑奇無盡留

作他時粉本看

入畫名園得舊基清尊短榻款賓時翩翩誰似住公子半

畝能容萬卷詩

樸山侍郎崇實所居曰半畝園

### 次韵少泉謝瓜

古剎雙松追暑宜君方揮翰坐經帷  
驅瓜偶佐槃冰薦飛藻先教筆露垂  
客館光陰催節物家園采摘及秋期  
燕臺我亦同匏繫多媿瓊琚報好詩

### 李仙窺壺圖爲仁圃戲題

壺中日月閒復長何爲跳出壺之外  
又從壺外窺壺中紅日照空一世界  
吾欲借君鐵拄杖并此虛空亦打碎  
君言此中可著酒醉鄉廣大人間隘  
不如閉眼塞其兌

閏五月二十八日王子梅

鴻

招集顧祠何子貞爲亭

### 復仇亭後集卷九

五

### 林先生閏生日詩次韵奉荅

君歸自東不遑憩與客同修顧祠祭  
再來市月逢閏餘松下牽觴儼坐侍  
笑君拄杖來謁師急求局鑰已後期  
先生生日亦可閏它日當以詩傳之  
朝有饗燕家有集古者上壽無專日  
何況事師更無方請君不必稽舊帙

奉輓陶臯薌

樑

少宗伯前輩

憶昔登科初後公惟六載弱冠甫過  
二公年長及倍習儀瀛洲亭始識公  
風采聞公少擅名文壇樹子罇早入  
王錢室覃思得模楷詩如連城璧詞  
亦珠百琲晚成敢笑援一舉乃知隗  
祕館方紬書官軍正授鎧忠義及輿  
臺聲名動朝宰

嘉慶癸酉年事

五馬一麾出浮沈涉宦海回風偶退鷁直節

遂冠獬終爲國屏藩入作

帝元愷任官兼考禮公望屬鼎鼐憂時怒如擣善行敦不  
怠去冬抱微疴歲杪組暫解豈謂不憊遺百年竟難待

朝廷軫耆宿

褒榮式寮宋翁固矍鑠哉文學實嘉乃當公大耄年賤子  
病且殆繩牀藥裏間垂問勞每每語以健步法神完氣不  
餒七發嗟未喻三折但餘悔比年誦公詩老筆花生彩觴  
詠寓哀樂歲月送瀟灑昨復示新句一紙斜行矮空堂雨  
未成臥病興難罷曲高識者希勉和媿凡猥長椿再相見  
扶杖手承頰疏弦頓絕響芳塵倏遺躡亦知躡箕尾逝將  
覽溟澥空谷無足音誰與佩蘭茝公誠神仙流此度卒不  
復

復仇亭後集卷九

六

改至今香山社問年尙疑亥宋寥城南宅近市乏爽塏柴  
桑有令子松菊徑猶在老成日凋謝感舊足悲駭忘年交  
有幾晨星何磊磊揮淚望大江東去不可匯

春明六客圖爲王子梅鴻題卽送其還濟南

六客中有三韓士

李尙迪  
魏船

海內天涯共知己阮公題後圖

畫傳卽是雲林六君子酒酣拔劍歌莫哀舊雨春明今又

來不知八友松陰下東絹它年誰爲裁

子梅招集顧祠主  
客八人孔王卽六

客中  
人也

履劬亭後集卷十

壽陽祁雋藻叔穎

古今體詩五十一首 丁巳

詩船既為柏槐作圖賦詩又與子貞疊和拙作張之

寺壁次韵申謝

毘盧殿東法華筆龍樹示相菩提三其一破壁已飛去妙

餘雙幃青出藍山人吟罷緩叟嘯世間孰識猶龍聃詩船贈子

貞有猶龍之筆詩中聃句尙憐履劬有古癖不鄙老生為常談鉅鐘竟

許寸筵扣天葩競吐奇芬含古松得名五百載柏槐並列

知未堪譬彼鼎鐘晚出土一經拂拭青翠酣閭陽布衣亦

時傑彈指花雨飛甃甃寺中有傳髮勝果妙音圖巨軸乾隆間作若以畫品論

履劬亭後集卷十

前輩曹衣吳帶庸多慙遭逢先後何足異慎勿翦伐甘棠

甘古偈竹箭饒東南楚材至今勝舟驂兩翁梁翰具深思

投報非必瓊瑤貪吾詩饒舌翁更笑塗抹已徧蕉葉菴

生日立叔

文犀美角出暹羅刻畫尊疊比象獻萬里山川邊塞隔百

花洲渚暮雲多明人犀角杯多刻百花洲景物通靈可許分餘照辟暑猶

能減舊疴便擬從君無事飲衰羸不稱醉顏酡

耳聾詩戲投勿齋

耳聾君勿憂吾有一言奉心為百體君君靜臣則動靜者

常泰然動則多憂恐心聰不在耳先覺斯大勇古者黠續

塞臨旋仰端拱雷霆靜不聞淵默匪驚寵返聽聽無聲聲

息乃在踵世人耳爲目煩聒日控惚聞根深未斷萬籟襲  
其空江湖事方急風浪兼天湧耳聞心更熱淚迸目爲腫  
一聾減百憂天意憐憫憊君云老無事課孫書坐擁并此  
斬弗予何以鏹愁種半聾昔爲眸雙聾今乃聾逢人祇欲  
笑反復語多重吾聞治聾方如治水決壅鼠膏或未驗社  
酒必宜捧爲君洗杯勺不必求藥籠甘作家翁癡撥棄人  
事冗但須防額癢三耳令人悚諺語殊可味陰陽避憎懂  
吾言亦戲耳聊助君一哂

王笑山鴻臚岳陽晚眺圖

張詩船作

岳陽昔三登歲在癸甲乙又嘗涉重湖水程七八日劈箭  
走風浪入險還復出維時道光初歲稔民安謐更爲擴講

履乳亭後集卷十

二

堂彬彬萃文質登臨忽有會憂樂難豫必卅載一回首瀕  
洞不可詰巴陵兵燹後城郭少完室茲樓竟無恙百廢猶  
存一星使南海還艱危諒深悉紆途得峻賞奇句壓行帙  
嚴冬寒漲縮白日光四溢莽莽荆襄道風煙暗關駟君言  
郡樓記猶是天瓶筆少宰有家風圖成題字密舊游感履  
烏清暉照蓬華君山天外青渺渺湘湖靈瑟

詩船爲笑山作棣鄂迎輶圖題二絕句

家園本自近長安萬里重過聚首難已喜對牀尋舊約人  
間猶作客星看

高樹重門氣象新移華四照藹如春畫圖合借添豪筆曾

是還鄉衣錦人

詩船使閩詩有還鄉攜節近人希句

暑夜苦熱 六月十一日

夜久勦無寐起看星斗垂留風窗不下送月坐頻移烏鵲無聲後蟲螿得意時物情各有適秋至獨先悲

望雨 六月十四日

一雨三日晴亦好一晴十日氣尤燥伏日過半秋漸來禾黍將成不自保傳聞蝗飛西北去不知蟲蟲落何處錢價日賤米價高農夫血汗心煎熬都城內外又施粥歲費太倉一萬斛安得傾盆天雨粟

宋拓蜀石經殘本歌 首行題春秋經傳集解襄二第  
十五次行題杜氏盡十五年

有客示我蜀石經春秋斷簡左氏傳其字萬有二千餘宋紙柔韌敵唐絹東宮書府印宛然熨眼已驚烏玉片細看

侵仇亭後集卷十 三

鈎畫具歐法貞觀遺風猶未變鴻都三體賸殘隸開成勒

石名久擅蜀刻經注獨兼存彤版並出較精善惜哉蠶叢

兵燹餘石室摧隤梵宮絢流傳至今二三策往往咨嗟動

邦彥 趙谷林所得毛詩殘本屬樊榭全謝山諸人皆有題  
跋錢竹汀曾見左傳殘字數為衰年樂事近時陳頌

南慶鏞亦得周禮考工記公羊殘本見楊湘筠寶臣跋記 此本得之式古堂或是晁經

考 洪隨筆 昔所見楊君作記歎希有好古諸公劉覽徧漢

唐源流多著錄巴蜀文雅鮮論譔張 德劍 鈞 孫逢吉 周

德貞 盡能事僕射研經亦妙選 母昭裔 離披瓊蠟尙神采

卓犖山川有書卷峨眉缺月秋埽空三峽餘波淨如練書

家競誇元和脚世人但學蘭亭面抽豪欲補金石編歐趙

前頭敢輕衍



喜雨爲少泉生日置酒

歇雨剛過夏甲子先秋三日送涼來雷因鬱結聲斯奮風  
不飄搖氣已回古寺尋僧頻著屐虛堂留客且銜杯荷花  
生日君應記一笑還將好句催

苔少泉壘前韵

雨如江海捷書至風送軒窗佳客來疏爽恰宜新沐後歡  
娛已抵故鄉回看花遠致碧筒酒辟暑深斟犀角杯黃鶴  
南飛歌一曲驪駒不用更相催

雨後牽牛花

過雨新涼曉色幽葦籬斜裊出牆頭生花老眼忽驚絕潑

翠屏風一丈秋

是日立秋

履齋亭後集卷十

四

盆魚

盆魚一二寸蓄自孟夏初汲水置蘋藻往來二十餘及今  
賸三尾攸然還自如雖得游泳趣未免形影疏井水無二  
味瓦盆同一居如何生死際不得相煦嘘自憐纖微質未  
足充羹菹江湖久絕望焉敢怨沮御猶幸烈日威久不到  
庭除葦棚覆其上清風來徐徐主人固衰病秋至體漸舒  
卽作濠梁觀安知子非魚

山陰祁氏止祥先生

多佳

手書詩卷爲家叔和太守

題

卷首逸峯閣印末  
云題於眠雲草亭

好手唐祁岳高名晉孔賓豈知書入妙不但畫通神同氣

存忠節止祥爲忠  
敏之弟餘風託隱淪一時雙卷軸藏弄並家珍

叔和頃以先生  
墨蹟長軸見詒

歐陽文忠公生日白蘭岳王少鶴招集慈仁寺拜公

滁州遺像分韵賦詩得心字 六月二十一日

歐公治滁日已有終老心琅邪豐山間兩亭資醉吟名翁  
實中年乘興時登臨峩峩清流關暉鳳昔就擒四海無干  
戈百年涵煦深公來城郭喜公去悲山禽那人奉遺像寶  
之如璆琳題贊並前哲 李端叔  
晁悅之陳迹猶追尋惟公文章宗  
直道每見侵當時懷高樓對客情難任嗟爾菱谿石幽谷  
埋崎崿豈謂千載後

天章發幽沈

像首有乾隆壬申  
題詩今藏林穎叔樞部家

御筆遭遇亦有待感歎

成古令今日公生日晴雲開遠岑主人舊同直良朋欣盍

纓仇亭後集卷十

五

簪奉觴古蘭若再拜心共欽仰破金石文悅慙翰墨林掀  
髯莫一笑豁達披胸襟酒罷有餘思散步蒼松陰崢嶸日  
銜山瀟灑風入琴琅然醉翁操櫟外聞遺音

天台靈鳩杖

刻畫遜天成靈鳩乃得名力能扶老拙心已悟均平野寺  
隨身伴仙山抗手迎秋來好風日便欲出重城

歐公生日滌甫分得蕢字復成此詩呈同人

詩爲心之聲卽一言一語當其欲發時不發心不快不知  
中朝官胡以詩爲戒將毋虞廢事多言或多敗且恐陷不  
恭或激而爲隘是誠皆有之然固無足怪請看六一翁正  
直心匪懈文章滿天下萬頃浩澎湃昌黎導其源眉山衍

其派卽以三公論立朝何耿介廢事不必詩不詩事亦壞  
今我同懷友敬爲歐公拜賦詩雖分韻無此疆爾界聊爲  
文字飲縱談及書畫不猶賢乎已徒令歲月邁干戈莽未  
休民力甚矣德千古浣花叟詩酒寓感喟以此酌吾曹吾  
其舉杜黃余藏古銅解  
文曰杜黃

曉涼

曉涼惜枕簟殘睡轉沈酣懶趣閒方得秋心老獨諳林蟬  
風翼靜籬豆露花含紈扇休予棄餘炎恐未堪

曉訪戒公山茨

迤邐尋幽去熹微破曉行談經僧久熟避客暑先清野馬  
飛難到池鵝睨不驚槿花風外妥松翠雨餘明蒼莽思何

履齋亭後集卷十

六

極優游送此生祇應阿練若題字付柴荆

楞嚴經眞阿練  
若梵語寂靜處

也亦作  
阿蘭若

得舜卿先生書以其弟質齋喪來告寄詩奉慰兼致

令弟春湖

客從并州來袖出尺素書開緘見手字離思忽以紆披讀  
未及半慘然增欷歔君有同乳弟解組十載餘清風在晉  
楚民曰父母且泄官凡四邑事不假吏胥青衿服其教萬  
井安耕鋤庭無雀鼠聲稂莠已翦除不爲赫赫名去乃思  
厥初紈紈城頭鼓送者舟與車僉曰賢哉侯侯去民何如  
侯曰予有兄風雨時念予淖之水悠悠老將從之居豈謂  
老且病戎馬生郊墟閒關三千里避地辭鄉閭褰裳就季

子涉彼汾沮洳流離有骨肉遑問田園蕪去年遺我書急  
難思鄂村示我朱履篇意度何其舒煙氛暗濶霍劫掠無  
時虛六國既重陷三老復一徂達者雖云達所親焉得疏  
況爲異鄉客堪此形影孤書來語更慟生死同一塗掩書  
不能讀淚下霑我裾白門未歸骨有弟今則無兄衰久臥  
病杖履不得俱太行雲在眼渺若天一隅吾亦老留滯知  
否得歸與人生如逆旅覓聚聊可娛飄飄風塵際何地爲  
吾廬君固文章伯門下羅生徒季子亦雙鑠子孫美且都  
念與君昆弟結交久不渝相期比金石各保歲寒軀更願  
加飡食報君雙鯉魚誰能烹此魚佐以酒一壺一酌醉潛  
郎再酌醉老湖

漫齋亭後集卷十

七

東鄰

東鄰兩佳人窈窕隔煙霧莫道不相知相知已遲暮手把  
芙蓉花身是菩提樹天風吹秋月流影照何處一從洛水  
妃初試凌波步一追碧雞神又向黠蒼去千里雖不遠銀  
漢誰能渡萬里遠如天彩雲在指顧人心無遠近世事有  
新故寄語西鄰子何爲泣歧路

彭孫入塾

七月三日

彭孫今七歲諷字二千餘今春將入塾以痘姑徐徐痘後  
百餘日日日嬉庭除問以舊識字八九乃忘諸人情老多  
慈況吾嬾且疏未能卽瞋喝聽之當何如少小戒習慣歲  
月如奔車禮云就外傅所以閑厥初伏暑氣漸平秋涼生

衣裾連朝快雨過槐翠覆吾廬  
藹藹昔賢裔學識承權輿  
延師端木 惠然不遐棄  
慰我几席虛人師實難得  
經訓惟苗畝應對進退間  
弟子職所居玉不可不琢  
苗不可不鋤古來聰明士  
患在不讀書墨子喻染絲  
韓公歎龍豬告爾小子彭  
始基其念乎

少泉學博行有日矣和留贈韵送之

舉頭十七月輪盈拂檻槐花已再榮  
東道久慙供菜把南歸遙羨致尊羹  
綵衣後閣新開燕虹氣深山早識荆  
準備他時重下榻與君犀角醉干觥

七夕晴

江海尙風波人間秋雨多  
別離不灑淚無恨是銀河

漫仇亭後集卷十

八

慈仁後山紅槿盛開

木槿花繁竹作闌紅珊瑚間碧琅玕  
毘盧山腳平臺頂七月新涼見牡丹

送宗滌甫出都之東河并餞張石卿

亮基

奉使雲南

新秋頻送客杯酒觸離情  
落日長河去層雲萬里生  
艱危心慘澹老病歲崢嶸  
應念街西寺扶藜晚獨行

次韵荅勿齋感秋

老年得聞心忘老秋雨生涼病減秋  
細葛輕絛都有適碧天銀漢本無愁  
雲煙掃盡山林出車馬馳過歲月流  
兩事校量君聽取不須感歎雪盈頭

詠我相國以其曾大父芝庭尙書詩翰長卷屬題

緬昔乾隆初文思

帝神聖四表仰

光被百寮熙庶政明良皋廣颺聲律夔歌詠維時歲丁丑

令節始春孟

南巡奉

慈娛天越重申

命侍從悉枚馬謀謨僉魏邴龔軒衢壤嬉藻采江山靚公

以金閨彥歸養有餘慶南陔愛日循北固瞻

雲迎

天顏紆一笑萬象煙波淨

揮弦景風長

侵泮亭後集卷十

九

授簡丹霄夏芙蓉麗從薊野欵乃到吳榜地接海門潮

天旋斗車柄豹尾鏘共陪

龍章燦交映奏

御百餘篇細書寓恭敬百年存風格清腴勝瘦硬當時趙

北宴

聯句觀鐙檠蔣

溥

汪

由敦

秦

蕙田

劉

綸

外二錢

維誠

英爽

競長白兩儒臣

介福

夢麟簪豪興飛泳公時若隨扈亦必載名

姓卽今展遺翰出處得明証

恩榮邁同直感激根至性固知

眷禮殊合與沈

德潛

錢

陳羣

併樞相公會孫家學秉先正

念茲三世澤寶若干秋鏡琳琅披長卷絜月讀未竟遐稽

帝堯典時切疇咨倣近誦卷阿詩尙貽聞望令清芬誦端  
揆末學景前行願覩干羽舞載賡卿雲盛

尙書謹啟豐雍正五年以修撰入直南書房此卷乾隆二十二年

聖駕再巡江浙公恭和諸詩自啟蹕至回蹕渡江多至百八十九首恭檢

高宗聖製詩二集趙北口行宮同扈蹕儒臣聯句中未載公名蓋公於二十一年以內廷侍郎請養回籍意當時

迎鑾江上隨駕浙西蹕路往還先後奉敕賡和所作至送駕渡江更未隨從故駐蹕天甯寺以後

無恭和作也詠莪相國得尙書手翰於京師舊家裝卷

屬題并記咸豐七年七月

硯奴亭後集卷十

十

治竹徑用少陵課伐木韵

閒居不能閒昔昔夢爲僕不敢問田園時欲走巖谷街西古招提清蔭多喬木僻在城南隅儼若西山麓竹院特幽邃避暑意已足老僧工位置疏爽利遠燭因念吾弊廬亦有數叢竹柯葉雖不茂差勝食無肉鄰寺施孟粥婦孺雜號哭而我日三飯息偃得茅屋涼風白露下老病謝炎毒人生戒偷惰那敢厭鄙俗枯幹蠹窠綴瘦筍紙籬觸荒穢久弗治生意何由蓄翦惡去其甚植善哀其獨尙貽方外笑不免僮隸促秋深花市靜霜圃餘晚菊掃徑卽陶然不

須計斗斛

秋後槿花

紅晚趁斜日翠深藏古春不愁不爛漫爛漫卻愁人

種麥歌

春麥瘦秋麥肥麥令人飽麥瘦令人飢秋麥種早收亦  
早根深穗多堅且好春麥畝三斗秋麥一石餘今年麥價  
貴得錢免賣黃犢車馬首老農老無用請問秋麥何時種  
白露早寒露遲秋分耩麥正當時蘄北農諺人間旱潦不可測  
得時之麥非爾力

送贊臣姪元輔還壽陽兼憶三兄

送汝還鄉去寥天數雁羣團團馬頭月莽莽海東雲贊臣初自

瀋陽兩載重爲別三秋半已分遙知對牀地風雨不堪聞

漫說亭後集卷十

十一

劍棗行

屋東纂纂棗成實槐竹交陰靜斜日忽聞攪林風雨聲飛  
彈灑空檐瓦鳴兒童仰面雜喧笑升木者誰頭不掉已拗  
弱枝任凌亂更擲長竿探危峭紛紛爭拾半拋棄盈掬未  
已餘滿地牽衣挽鬢索翁嘗似有懷橘殷勤意可憐一樹  
秋垂紅揜依當我中庭中柯葉不能蔭街市縱饒嘉實難  
爲功道旁有李行人食陌上有桑寒女織況今米貴民苦  
飢此味獨甘轉悽惻鄉園千戶霜林新牙齒黃落歸無因  
呼兒傾筐莫盡取高風媿爾西家鄰

孫駕航虹橋舊游圖

揚子橋南路江灣跨彩虹瓜洲兩岸樹花港一帆風遠道



洪都客新詞白石翁十年泥爪在惆悵北歸鴻

往者鍾中翰雄心軼萬夫破圍狂盜走遺恨援軍孤

鍾小亭舍

人淮會破賊於此

夜月偏無賴春城且未蕪似聞好消息秬稻足

江湖

秋分前三日雷

層陰起西北霹靂走晴空雨氣塵煙外人聲鴉鵲中餘炎  
收畏日急響挾飄風不藉神威力誰知造化工秋霖宜宿  
麥老客羨歸鴻失筇休驚歎寒郊多轉蓬

僧寮假寐

睡鉤脫則思思蒂斷則睡夢中曾得句不知云何意若云  
睡非思詩來何所自若云思非睡詩去向何地至人本無  
夢睡蛇孰鉤致菩提亦無樹花蒂于何寄無鉤安用脫無  
蒂奚必墜無睡亦無醒無思乃無事我來雙松下意中有  
文字偶坐古槐根嗒然復假寐寐時不自知寤後任所至  
忘卻夢中詩卽夢都不記

白題復仇亭集

規榭壹齋集髣髴結埼亭奇字得家訓故鄉存地形詩名  
卑不稱宦味老會經慙媿香山社閒吟任醉醒

飯餘弄孫二首

飯餘強步二三里日日巡檐數十回欵倒疏籬自秋色牽  
牛開了豆花開

穉孫畫紙蚓蛇出秋夕呼燈梨棗來才誦周南及麟趾已

披爾雅門初哉

自題長夏勘書圖

張詩餘少字畫

懸車歲三度今歲逢閏夏日長睡易足病減藥初謝苦吟  
愁肝腎強步惜腰胯惟有讀書樂雖老不能罷念自筮仕  
初及茲得長假辛勤四十年有書數千架

賜本二千卷琳琅寶無價其餘出清俸所幸鮮婚嫁輪軒  
勤搜采一鴟偶鈔借投贈半師友緘寄多姻婭連屋萬卷  
餘充塞彌隙罅紛吾涉世途峻阪策駑駕馳驅方有事點  
勘苦無暇如禾滿困塵身未親畊稼又如四鍤鈞曾弗一  
矢射卽今田已蕪始擬手犁杷巾幘角亦挫何由正弓靶  
流光不相待送老安所藉城南暑雨霽清風埽燔炙呼兒

稷飢亭後集卷十

三

檢囊映攤曬溢庭榭舊交思更切新知見乃乍晤對感今  
古高歌雜悲咤竟忘日如歲翻欲燭繼夜兼旬不出門良  
友時招迓詩翁澹蕩人落筆雲煙瀉圖成日笑余花樹卽  
僧舍回瞻天祿閣孰與雅頌亞辛餘炳燭光且喜冠簪卸  
天上森寶書青冥早縱靶何必百兩篇人間問張霸濟時  
良獨難食古恐未化讀書求甚解或爲達者訝君看陶靖  
節恣言對桑柘味存糟粕外有酒尙可貰不如且吟詩桐  
葉秋已下

書樓篇

并序

平舒邨東北有樓焉石趾博垣矗立三層上啟天窗  
下通地道高可十丈許明末所築族兄令儀世居之

嘉慶年間始歸吾家時先君子自江左客授還里兄弟姪輩侍坐樓下因命各言所志雋藻遂巡起指樓對曰願它日爲吾祁氏書樓先君子笑而領之今老矣留滯都門賸有書萬餘卷力不能載歸書樓之志荒矣作書樓篇以告來者

吾爲勘書圖圖成若有思藏書豈無樓恐負昔言志茲樓五十載舊基幸未墜吾弟實守之一官已盡瘁手札廩有存書籍散無次吾書雖未亾樓在遠莫致太行路艱哉擅席何容易況今軍書急盜賊氛尙熾誰忍去京國掉頭入山避讀書不濟用貪多轉爲累聚散理之常逆旅本如寄今人務虛名先正求實事此樓卽有書鎖閉亦如棄吾欲

侵仇亭後集卷十

十四

載書歸匪日自珍祕窮鄉鮮善本後學無由肄下以遺家塾上以儲國器所志儻不虛留作書樓記

詩餽饋深州桃賦謝

舊醅已致娥江酒

王子瓌頃爲轉致佳釀

新實還分陸澤桃荒徑餘

三宜取醉仙山得一未偁豪傾筐投我瓊瑤重折簡知君

筆硯勞

前承招飲慈仁寺爲作長夏勘書圖

飽啖卻應愁肺弱中秋珍惜到

登高

中秋前三日偕陳子鶴尙書過長椿寺重與內兄淮

生太守話別兼約姜君

學詩寫真

秋槐壓屋密如緘瘦竹橫窗疏不芟盆水新添魚駮上籬花晚謝烏爭銜涼天古寺招佳月別酒餘痕惜故衫更喜

城南姜處士拈豪置我在山巖

胡小蓮

家玉

太史爲其大母孝烈事狀繪圖屬題

長江湛湛楓樹林雙流繞屋清且深伊人靜好調素琴病  
鶴三歎離鸞吟冰絃一裂霜滿礎雄劔頓起雌劔沈庭樹  
慘澹天宇陰孤月墮水驚栖禽人不及知神所臨一息中  
有千古心高坊大表桑梓欽門閭濟濟羅冠簪豫章之材  
久乃任醴泉有源江有潯作圖感舊德悒悒尙聞激湍流  
哀音旌旗滿眼烽煙侵歸哉游子懷故岑何以贈之清白  
箴

秋曉睡起自嘲

秋衣初換稱新縣臥榻重支惜舊璫蠶事三眠三起已雞

漫徂亭後集卷十

五

聲一噴一醒然經旬藥酒知將熟向曉燈花故作妍猶爲  
攤書商位置牽蘿補屋送殘年

長兒直麟兩姪孫檢書  
訖因令補葺屋東書舍

藏雲洞看西山用前韵贈戒公

一片飛雲洞口閒青螺佛髻擁禪關梯空但覺神情豁眺  
遠何愁眼力慳礪草經秋花不落階松未老鶴先還百年  
高閣分明在芥子須彌總是山

起毘盧山先築此洞曾滌  
生昔讀書寺中書藏雲洞

額遂以  
名之

孔敘仲惠畫蘭四幀賦謝卽次集中自題韵

韓齋碧紗分餘煙飄然置我巖石邊我方援琴和幽操買  
賢雪霜日以年一畦薺麥種無力九畹芳馨焉可得對嶽

樓高塵滿城祇有庭楸似相識

近屬吾宗叔和寫韓  
廬小幀取庭楸詩意

姜白石湖上書事詩題後

石骨琴心松鶴姿空山幽怨少人知不吟破鏡天邊句誰  
解廬全月蝕詩

題吳蓮芬

文錫

觀察棧雲圖卽送其歸揚州

蓮芬文節之弟

平生未陟蠶叢道暫借煙雲當臥游叱馭功名九折阪浣  
花詩思五經秋螺龕又惜春明別

君以半螺龕詩見示

雁陣空餘故

國愁感舊因君重惆悵滔滔江漢有歸舟

段芳山遺盆菊賦謝

九月朔日

一臥城南秋三見重陽花槐街雖與花市近短牆橫隔成  
天涯神仙起居吾詩友公退看花亦云偶卻憐塵世少閒  
人送與衰翁開笑口去年攜酒擔花來今年花來先舉杯

復仇亭後集卷十

六

應爲空堂苦覓句和陶餘興頗相催君不見光林古寺塔  
花外風鈴語訓荅年年修禊到登高日日繁英照尊榼菊  
花最晚開最難開時但作錦屏看知君移贈有深意惜我  
籬根數尺地脫巾解帶任橫斜門外督郵久不至

履徂亭後集卷十一

壽陽祁寯藻叔穎

古今體詩四十五首丁巳

何子貞藏晉唐古墨四種次韵題後

右軍黃庭經肥本裱敘國學初

人跋 搨本大令洛神十三行唐樞本魯公小字麻姑壇記

老眼重觀化度字 頃見叔和所藏舊搨化度寺碑 又見驪龍遺珠四晉唐

書從篆隸來支派雖殊猶適嗣東洲居士得筆法瘦不彫

枯肥不膩將由獵碣扣鍾鼎宵逐俗書逞姿媚深秋初日

槐影疏門巷蕭蕭停客車手出此冊誦題句峩眉凍雲來

襲余余幼奇服老嗜古殘墨摩抄幾風雨 余藏宋搨大觀帖殘本 便

思坐臥三日夜領取篆煙橫碧縷

履徂亭後集卷十一

和陶結廬秋菊二首

九日當采菊漸聞花市喧秋色天外來落我城西偏高閣

冠長松夕陽銜遠山藜杖送我出林鴉隨我還借問此何

時籬花澹無言

靈均悲懷秋胡為餐落英明知一飽難聊以申余情濁醪

雖在眼獨醒不能傾君看烏鳥樂林閒相和鳴安得素心

人促邈談平生

練川名人畫象冊為嘉定程穉蘅 祖慶 題

程君好古工臨摹昨者示余說文圖祭酒而後論統系漢

末逮元得八儒千載衣冠一堂聚欲問奇字執尊壺練川

江左古名邑鄉先生有遺象集兩編追摹自宋始近代名

流吾猶及惟君桑梓必敬恭曾慕會稽先賢風徵文堪爲  
志乘補畫象不必滄浪同程君信是邦之彥好古豈以書  
畫見作吏應傳石室圖承恩待召南薰殿

訓陳勿齋

時勿齋孫病初愈

疾至乃求醫已違養生戒醫言人人殊事後論成敗當其  
抵掌談善若并翦快以方試厥疾種種生室礙寬則滋桂  
苻猛則縱蜂蠆軍以卿子償法以商君壞千金坐垂堂危  
哉甚矣億君以誠求心發爲保赤愛獨得三折肱力斥二  
豎退入險斯能出愼餘乃寡悔吁嗟天下事何者敢墮廢  
易占震蘇蘇書取思昧昧君詩抵箴砭意在警聾瞶復仇  
有病叟三復爲感喟

復仇亭後集卷十一

二

夏芝岑

獻雲

和去年九日詩二首次荅兼訓段芳山

書巢老蝨魚食字過一生殘編不濟用空竊脈望名槐街  
臥三年風雨忘晦明誰謂吾廬幽時聞花市聲野菊雖不  
多一束能延齡魯酒味雖薄解憂還自傾猶有素心人  
窳過南榮閑居費日月感此聚散情但媿秋蟲吟促織終  
何成

去年重九日攜尊來舊交今年霜已降木葉遲未彫君從  
直園回氣與二三山高濤詩出懷袖峻想凌層霄尙念支離  
叟一慰延跂勞我如經冬菊荒徑顏色焦豫章固多材大  
器歸埏陶高岡鳳爲林鳴集匪一朝

段芳山曾筮巢  
皆君同鄉同直

端木子疇明經

塚

和盆菊舊作次韵奉訓

今年秋麥稀望雨勞農情如何盆中菊粲粲羅繁英遠芳  
辭山椒徑竹交斜橫自非灌溉力枝葉奚由榮清霜被隴  
草小軒朝日明未能免采摘龜勉依餅饗五斗一束帶已  
爲塵網紫歸來東籬下居然謝冠纓亦知嘉苗秀勝彼野  
卉生雨雪不可知天寒思黃精釀酒且斟酌幸茲泉水清  
落葉四首次韵訓芳山并簡芝岑

風雨重陽已過時今年寒較去年遲霜華籬下猶堪采玉

笛樓頭久已吹黃落山川秋莫矣青熒燈火夜何其

借用居之

切老來情味甘蕭瑟卻被庭梧一葉知

夕陽澹沱月昏黃三徑雖存半就荒未免飄零悲大樹敢  
因留滯惜它鄉花飛一片春還減松覆千尋夏亦涼萬事

漫徂亭後集卷十一 三

苑枯隨分足樽罍紈扇可相妨

會著荷衣度歲寒每搔霜鬢念艱難楓林荻岸蕭蕭下海  
雨江雲莽莽寬直恐飛鷺臨水墮翻愁凍蝶向花攢城南

更有秋懷客悽絕空階碎玉珊

用昌黎詩意

望秋蒲柳感先彫蟋蟀聲中歲月銷榮木有情懷靖節散  
花無語對參寥晨窗校字紛難埽夜酒添薪煖共燒尙有  
嚶鳴爲求友時從幽谷和遷喬

劍門秋色圖爲孫駕航題

程穉蘅畫

袖中萬里青山色南北東西許問津獨媿騎驢劍門客此  
身未合是詩人

蜀道青天幾許長近來佳句數漁洋蒼茫亦有千秋思但



聽鈴聲替戾岡

漁洋有顧生棧道圖歌

客星回照紫微垣一綫蠶叢雙鳳軒不道練川奇麗筆又

將秋色點荒園

程君近為余作息園秋色圖

宋王伯厚先生生日七月二日葉潤臣繪象設祀延客

徵詩敬題卷末

稱觴補祝亭林老拜象同瞻六一翁閏五月謁顧祠六月拜歐陽公滁洲遺象

高會賦詩選佳日逸民開卷想遺風詞林筆海流傳後古

誼忠肝感慨中欲問義熙前甲子讀書求解亦陶公

四明山海鬱精靈汲古千秋有典型書庫仍存月湖閣范氏

天一閣在月湖西禮堂直逮鮎埼亭泉源子午流宗派賓主東南

聚德星老我餘光慙炳燭可容困學乞囊螢

侵仇亭後集卷十一 四

息園秋色圖白題

大興姜興之學詩寫真嘉定程樞齋祖慶補景

息叟讀書老未息寄園蕙寄強名園茅屋竹籬自秋色松

菊坐對俱忘言故山猿鶴望久矣江上愁心千萬里何時

倦鳥送歸雲著我侵仇亭子裏

瓢城餞別圖盛子履為鹽城令孔俊卿先生作也哲

嗣敘仲屬題

陽城未習催科政文黨曾為子弟師欲識使君三載澤請

看祖道一編詩篠驂歌舞來時路芟舍攀援去後思今日

鹽亭亭下柳依依猶似拂旌旗

愛才誰繼古人風廉吏猶全老病蠶豈有南陽偁召父翻

令東海去于公家傳清白經先授名重丹青畫亦工不見

藍侯會教織百年祠樹鬱葱蔥做邑織事自明末藍侯教之至今民享其利建祠報

功余既為詩以紀其事復作圖以傳之

### 孔母孫太安人寒宵稱藥圖為敘仲舍人題

粲粲門子婉婉令妻從仕于滄念母靡依一解 母曰往哉

女游不遠姑曰往哉吾尚健飯二解 飯以和身藥以導和

豈無娣婦念茲匪它三解 丸丸者藥一丸千金輕重在手

甘苦在心四解 再拜祝藥代婦登堂宜身詣前迺不遑將

賢哉賢哉子婦借使勿藥豈不爾負七解 誰謂苦口其甘

如飴誰謂寸草春暉在茲八解 我有肴酒不必在官爾無

魚鮓不用封還九解 嘗藥之心乳姑之孝餽鬻有銘孔氏

之教十解

### 復仇亭後集卷十一 五

萬道人贈亭林秋江別思圖藏潤臣家卷末有石州

詩注云子貞手摹寘之顧祠今摹本已展轉流傳吾

鄉矣題句記之

昔為逃名再轉注今看遺畫幾流傳石翁仙去蜎翁老醜

酒荒祠一惘然

葉潤臣孔敘仲招同張詩舫何通甫孫芝房家叔和

慈仁寺餞秋雅集繪圖賦詩分韻得好字

松寮往來熟屐齒痕不埽西風送落葉黃蝶辭蔓草繫我

同懷客惜此秋意老零霜感時節酌酒寫襟抱舊題猶在

壁新句已脫稊林穎叔是集未到詩已先成 怡園筆尤健老樹花偏好

羣賢各奏能顧我思枯槁筇枝尙可倚石磴期同造遠峰  
入窗隙斜日出鳥道鳳閣兩詞人幽蹤事探討不嫌客歸  
遲但喜公退早五嶽有散仙東去蓬萊島何時重把臂一  
坐爲傾倒子貞時  
還山東

爲潘木君

鐸

題洞庭歸帆圖用陳子鶴題王嘯山岳

陽晚眺圖韵

長沙一城扼衡陽單車慰彼都人望軍如挾纘氣百倍天  
狼奔墜弧矢光當時同舟孰共濟羣論共推彭城張功成  
名立身病退嶽雲飛送南歸櫓洞庭樓高川路永滿目煙  
氛迷故鄉青草扁舟一落手三年客夢千回腸至今燕臺  
且流滯北雁未忍思南翔南海使者亦登眺畫圖自閒軍  
書必豫章尙書爲題句直從岳鄂論荆襄君與尙書各捍  
患江湖接壤天蒼茫樓船那許久藏壑雖穎旋見重出囊  
披卷沈吟感舊事湘波瀕洞連吳閩

十月二日雪簡子疇研鄰

去年竹窗寫初雪冬盡望雲思空結有如舊雨灑然來杯  
酒未銜已成別今年冬朔天始寒落葉滿階霜風乾曉起  
同雲忽四塞枯林花片紛交攢天公亦憐久別客爲我小  
窗助虛白吟詩作畫且莫論準擬明年飽新麥

初冬夜起

心靜能諸夜氣清眼花恰稱短燈檠雞三號罷鄰鐘歇又  
聽林鳥第一聲

詩於少宰以文敏公折臂詩冊屬題追次文敏韵書

後文敏扈從木蘭行營墮馬傷臂詔蒙古醫以

安公殘其形欲俾歸下終何曾參香至已早占沛豐

我馬出天閑昂藏八尺龍萬里走沙漠一朝躡蟻封

身輕若飄瓦墮地憶初降從今右臂廢可偶支離翁

通如落湯蟻繼若敢蟄蟲骨碎徐完筋難旋

融月初餘可畫諾百日竟彎弓乃知聖人能補天

似儂當君問疾時余始可以風笑指半截碑謂得無

長虹我身化已及我心不能童時夜免為雞號寒底

學豈豈有溝中斷能和爨下桐述事當酬

峇君其恕罷癯奉酬宮詹學士南華散人

司寇擅書名籍甚乾隆中

天章數褒重米董兼其雄一字亦收錄

恩眷周始終洪奉帖落諸書此書紀感遇折臂殊新

豐病餘偶拈筆蟠屈猶如龍南華老學士貽詩手緘封善

諫且善禱技癢心未降一揮二百字公誠矍鑠翁詩以病

而健書以病而工險絕歸平正亦與醫理通當其縱轡初

目已無孽蟲及乎袒臂割談笑神融融塞翁本無馬楚人

安有弓乃知其天全顛躓不能窮况蒙造化力日烜散以

風居然還舊觀此筆不負儂我生慕公書外拓中藏鋒邇

來得手蹟文敏書唐人往者窺玉虹少宰寶遺翰題識

存黃童詩冊後有後輩孰比肩低頭距與蛩臂痛想虞戈

尾焦憐蔡桐便恐冰牟術無絲蘇老癩

段春湖學士晴川得舊搦醴泉銘屬題

金塗小印見西清文毅家藏本亦精宋搦醴泉銘曾於

懋勤殿及那文毅家

見宋搨於今非易得唐碑自昔每翻行石經殘洗神猶在  
書藉臨摹趣轉生春湖夙精歐法燕市從來多善馬要憑一顧起  
聲名

舊搨淳化閣帖大令書殘本爲春湖題

五十二行十七葉印痕銀鋌故依然世人競購千金帖碎  
玉零珠忍弃捐

王家棐几眞傳在肥瘦紛紛辨眼難尙有凌波仙子步莫  
將河朔少年看

沈似竹舍人

士能

見示乃祖小如先生

長春

章武拊

溺圖慨然爲題長句

我觀拊溺圖市月心茫然歛歔不能爲題句東洲居士詩

履齋後集卷十一

八

在前三年臥病百事廢但憂水旱思豐年憶昔歲辛酉余  
家宣武城南偏先子爲郎隸農部滇司職守籌振蠲夏秋  
一兩四十日青苔及榻街行船余時總角未歷事但聞鄰  
巷婦子號顛連豈知畿輔遠近數百里河海並溢愁連天  
東陽沈侯章武宰惠政流傳六十載手提萬衆出魚腹力  
挽狂瀾氣百倍不知痛定思痛更如何鄭俠遺圖至今在  
又不知當時股肱數郡中幾人得似龔勃海勃海治盜古  
所聞今則治盜兼治軍君不見前年逸寇窺津門倉卒不  
得謝使君

諱子澄爲賊陣亡

天津令守城破贈布政使建祠

潢池直恐連海氛

朝廷重守令畀以司牧職能禦大災捍大患鑄金當爲天  
下式沈侯之圖吾欲摹謝侯之功絕代無安得英姿颯爽

丹青筆更寫津門破賊圖

王文成公撫綏思田緊急用人疏殘稿餘姚翁氏所  
藏也蕙舫水部學涵示觀敬題簡末

龍場召還日盜賊已蠶起功名終藤峽實自南贛始思田  
旣底定公殆將病矣觀其手擘畫續密尙如此土夷凋弊  
餘墟落滿荆杞將爲置官長復恐擾田里殘稿六百字字

字入肌髓公能恤民生民亦爲公死卒用蘇受兵思恩田州土酋

盧蘇破彼八寨壘察公制勝由首在整軍紀徵調戒驕屑

知人善任使且能詞賊情搗虛輒披靡指麾叛藩縛軍止

三旬耳其它嘯聚衆摧拉不淹晷原燎初易撲糗糧久難

峙粵寇雖一隅弗戢何所底乃知兵貴速後患己先弭卻

漫劄亭後集卷十一 九

穀誠帥才聞言心尙企公學能濟時祇完良知理如何操  
戈徒斷斷殊未己此疏爲薦賢豈弟古君子卽以書翰論  
紫陽庶可擬流傳三百載敬哉桑與梓時危見眞儒道在  
同一揆延望九華雲悵然懷彼美

題吳秋伊印譜

陽明山人印石菴曾得之思田疏尾紀以詩潛邱居士印  
石州亦寶之爲仿遺像祝以辭近代名儒留篆刻摩抄尙  
增簡編色吳生好古更摹古壘漢印存諸譜寬夫題後  
名益傳以鐵裹門門限穿片石忽落息翁手豈謂枯蟬食  
字久君不見淩煙作畫曹將軍亦貌尋常行路人

朔風驟寒約叔和季聞小飲觀齋流覽卷軸遣懷二

首 十月十一日

吾宗得二難衰病有餘歡桂醲不孤酌異書常並看圍鑪

一家煖蒙袂四郊寒時五城施粥初雪聞宜麥愁懷且慙寬

第一率更帖今歸篋衍收叔和近得宋搨化度寺碑古情同繾綣閒日

為淹留卻憶霜龕老遙憐汾水秋烏齋亦流寓鄉夢託潛

邱是日觀傅青主墨蹟并張石州摹閻潛邱像卷

三石友齋感舊詩三首 井序

齋有名硯三皆端產也一日乘槎道光壬午歲

賜內池外室嵌玉悉刻作槎形一日尺華已丑歲

賜取蔡忠惠大硯盈尺帖意名之一日左田則當塗

黃先生退老家園戊戌歲寄贈江陰使院者也

復仇亭後集卷十一 十

君恩師授慎守弗諼既以名齋復系以詩

端溪氣與雲濤接化作仙船蓮一葉紫檀文玉巧衰成清

淺銀灣不可涉支機一片落人間南海乘槎往復還曾寫

幽風無逸句幾陪金馬玉堂班老去慵書餘病臂蟾蜍淚

滴螺丸膩摩抄不忍置空箱上有

先朝御賞字 硯背鑄道光御賞四字

大硯盈尺齋中華天門鳳闕流餘霞

懋勤祕殿蒼龍壁豹尾嘗從第一車

東巡之歲月徂暑

帝曰汝書其賜汝重緹寶勝香山圖古禪珍同杜蕢舉 皆

賜春帖雲箋歲歲裁白頭禿筆已成堆錦袍翠墨痕猶溼

慙媿銘山賦海才

醫無閭山澄海樓曾奉命題字書聯句勒石

井田一畝質最良左角有井劫而方漆蓋鐫題述顛末商

彭錢贈吾師黃

彭文勤公舊藏

師字左田遂名硯再傳及余有深

谷云是

三朝侍從臣後先簪筆明光殿園井自清城井甘井眉卜

築今已三

澄懷園直廬內城東華門外城下斜街所居皆有井

寸田尺宅吾衰矣黃

石素書誰與參

冬夜月下

天高雲淨月輪斜更柝沈沈夜不譁倦鳥栖寒疑臙葉疏  
籬界影誤垂花鄉心已爲看書減睡味還期得酒加何事  
蒼茫成獨立明朝似有客還家

《履齋亭後集卷十一

十一

池南八景程穉蘅澄懷園紀游作也感舊題句

三十年來徑未荒芙蓉沼外有垂楊銜泥燕子巢都徧最  
憶池南舊草堂

十月十七日送四妹還平定憶三兄

風雪去年吾見妹妹衰兄病兩相憐豈知今日重爲別不  
待他時始憶前八口但愁生計拙一官深望後人賢

甥孝瞻頌

就小吏於京畿

更期老健成三笑莫爲臨歧各惘然

倍姪來都感懷二首

汝壯逢多難親喪已再終一官

恩罔極

姪以恤得官

五載痛何窮失侶天邊雁招魂江上楓

歸來當有日壟樹漸葱蔥



兄妹老難聚干戈紛不休餘生多感慨得句半離憂書未

叵三篋

先人手澤并家存書卷今俱攜來

家徒剩一裘汝曹知我意何事

久淹留

慈仁老僧招看西山積雪汲新泉煎茶

十月二十六日

雪後風夜寒曉起天宇淨松下童子來破門若有請言師  
遠眺望積雪與山競收入玻璃窗眉間白豪迸豈不自怡  
悅獨祕非佛性枯筇已久待凍鳥紛交迎一笑眼驟明未  
語神先隻圍鑪淪苦茗松竹亦相慶新泉倒玉峰萬象入  
圓鏡初來午日煥欲去夕風勁清景偶得之已過不可更  
世有工畫者媿余乏高詠

東坡畫竹

履齋亭後集卷十一

三

坡翁老筆清且雄飛過葛陂能化龍新叢細葉更奇絕疏  
瘦中有煙雨蹤細觀五璽霞采絢曾入石渠荷

宸眷

賜本流傳故舊家賡歌想到

重華宴眉山畫待湖州題千古風流今尙羨

慎端有文衡山題詩茅

屋不足容修柯竹兮竹兮柰爾何莫怪清饒被翁笑貴人  
身閒金復多

漫紀亭後集卷十二

壽陽祁鶴藻叔穎

古今體詩三十九首 丁巳

申公教織詩 并序

劉雪崖 雲 以靈壽縣志載明壽陽令申公教織事在

藍公前寓書見示適劉黼廷 翼之 攝靈壽令寄志來

都與雪崖書同日到嗟異感慕因爲長句寄雪崖并

致吾邑同人詩雖質直事則足傳若更爲刻石嵌之

藍公祠壁亦表章循績之盛舉也咸豐七年十月

藍公教織今有祠申公教織人未知吾邦志乘偶從略靈

壽邑志乃載之雪翁好學今王劭網羅放失勤諏咨謂我

漫紀亭後集卷十二

手書已勒石如公潛德庸可遺申前藍後六十載召父杜

母名並垂門懸織具授以法藍政成矣申始基世間萬事

有顯晦不朽之業仍待時劉侯適爲靈壽令以清獻志贈

所思寒天短晷讀未竟尺素千里來何奇因憶去年見張

記李叟 其芳 得自鄉人詒張氏子孫信慎守呵護亦有神

靈司陸志若非互探討壽水何以揚清漪馨香俎豆報前

烈椎輪大輅思先資我昨作歌欲補志今因觀志補以詩

他年片石可共語有道碑銘無媿辭

陸清獻公 隴其 靈壽縣志附錄

申傑字邁萬由例貢授輝縣丞遷知壽陽縣晉人不諳

紡織傑蒞任作紡織具懸之縣門且遣人授以法而董

其功自是壽陽民遂能自爲衣又察土宜導山泉爲渠

溉田數千畝邑人懷之立祠渠側從祀名宦

按壽陽志載申公爲

北直平山縣人由舉人嘉靖十四年知壽陽縣與靈壽志小異

梨園古錢

咸豐六年正月予村西北梨園地任姓屬土得北宋錢八千餘覆以瓦崇甯重寶尤

多製造亦精估姪攜數十枚來

繁盛千秋想汴梁遺錢輕重費評量朝廷已鑄崇甯寶道  
路猶供花石綱古瓦塵封丹篆合瘦金書帶綠苔香邊城  
兵燹曾經過留與人間壓錦囊

子鶴尙書餉蒸鴨饅頭賦謝

時君初移居城南門樓胡同

移家恰與吾廬近老得芳鄰興不孤鄉味煩君餉籠餅客  
筵笑我問蒸壺嬾眠巷裏新菘圃

○ 履仇亭後集卷十二

二

恩養堂前舊筍廚復此清尊共斟酌題杯茗宴正相須

疊前韵訓子鶴并呈令兄服紓觀察

晉恩

約小飲

別離患難老昆弟對牀重話忘羈孤感新念舊眠不得滴  
盡寒宵銅漏壺西鄰病叟亦倒屣更得好句籠紗廚魯酒  
雖薄比匏葉我友能來叩則須

打粥婦

貧民領粥俗謂之打粥有少婦懷妻死兒打粥者聞而悲之故爲此詩也

長椿寺前打粥婦兒生六月孃十九官家施粥但計口有  
口不論年長幼兒食孃乳孃食粥一日兩盂免枵腹朝風  
餐夕露宿兒在雙兒亾獨兒病斷乳孃淚續兒且勿死爲  
孃今日趁一粥掩懷拭淚不敢哭

仲冬七日孚吉齋消寒初集以冬至日見雲送迎來

歲大美分韵得日字

是日同賦詩者金陵端木子疇  
琛海州喬硯鄰守典吾鄉閩夢

歲汝弼趙心園復正朔閩國輝張孝瞻  
五姪世侑兒子世長姪孫友直友麟

亥眠寅則輿短日抵長日閏餘歲更長誰謂奔輪疾倦鳥  
不怠飛勞人不知佚時艱已無補猶自檢書帙今年雪再  
見雖寒氣不粟天公憐窮蹇短褐不掩袂而我閑擁爐偃  
仰在斗室鄰鐘每入耳根觸若有失朝來望雲物微陽驗  
管律似聞南風競捷書馳傳駟吾儕且相慰念此歲功畢  
天涯共尊酒促坐意轉密江國思鴻雁山堂吟蟋蟀感物  
眷彌重詩成各有述獨媿井眉叟寒泉不復溢綆短歲云  
莫何由筮孚吉逢逢太行雲歸夢渺難必一和陽春篇白  
頭羞彩筆

子疇視鄰夢  
巖詩先成

履劼亭後集卷十二

三

消寒二集題履劼亭圖分韵得學字

十一月十六日

山川無定名名必從其朔非惟志地輿亦可資問學履劼  
以谷名如山曰礪巖祭酒說未收二呂義則確

晉呂忱字  
林呂靜韵

顏介能博求舊聞證先覺當時好古土王君殊卓犖聞

之已驚喜儼獲玉雙珏謂是晉之乘垂棘寶在璞惜哉鄉

邑記斷簡久摧剝若非黃門訓誰與共商推上艾多古錢

奇秀供采擢獵閭既有屬

孟邑田京兆  
號獵閭邨民

茲亭名更卓荒城

餘馬首峭壁綴蝸殼古來戰爭地徵調苦煩數想見遯世

徒結茅臥林幄寂寥千載後壽水清可濯龍洞雲萬重鹿

嶠翠雙角余嘗躡幽險厓字出斑駁尙思蒐方言鉛槧每

懷握自聞此亭名霞想寄幽逸畫卷爲爾披詩筆爲爾捉

不知巖下松何日化  
寒梅卽今尙留滯  
臂枯眼昏濁嬾就  
子雲問羞對輪扁  
斲烽煙幾時息  
雨雪何由渥猶有  
歲寒友銜栝敘懇  
慙一亭亦虛名無  
名斯爲樸但向此  
中老何必圖五嶽

小寒前一日大雪聞瓜洲克復疊前韵誌喜二十一日

江氛暗南北五載  
埽未淨梯衝久不  
舞煥燿時復請瓜  
步倚京口勢與白  
門競三窟深竄伏  
一水肆奔迺邇來  
貔虎氣漸格豚魚  
性霜鷹睇轉疾風  
鷁退還迎果然摧  
枯朽不復阻幽篴  
乃知師律貞必協  
豐年慶

蒼穹符

聖誠前數日奉旨祈雪瓊島出冰鏡會見月三捷南風饒鼓勁宣

復仇亭後集卷十二 四

陽羣珍銷送喜萬方更雪窗頻做節瀟灑付觴詠

硯鄰招集長椿寺是日大雪不果往賦謝十一月二日

積雪凝寒近歲無水齋清景畫難摹敲門豫折吟詩束埽  
徑還攜載酒觚病鶴毳猶欲舞枯藤偃蹇不禁扶羨君  
坐有生花筆拄頰看山興不孤

喜胡恕堂方伯興仁自粵西來都因懷勞辛皆中丞

崇光

閩海昔重遇周爰賦載馳宦游多聚散時事况艱危樂較

中年減官因內召移時奉命留京候簡眉間黃色在栝酒且論詩

頭示北  
上吟草

宋玉思香草張衡望桂林離筵湘水濶歸路棧雲深君以催餞

由楚取道蜀中顧我成衰疾因君託遠音何時銅柱地跼跼起南禽辛督辦粵西軍務已數歲矣

喜聞官軍克復鎮江郡城紀事述懷

昨聞瓜洲復子月日己丑鎮城旋告捷同日克京口月十一

日五載狐兔窟一掃竟何有當賊猖獗初奔逐如獍狗及其糧援絕鋌險不及走搗穴今何迅負嶠昔何久乃知師

在和得雋信非偶南北兩大軍勢若左右手欽差大臣和公德公

水師當其中逍遙孰執咎大帥前會奏劾水師桓桓張軍門國傑粵西軍營

投誠自効獨秀出稂莠功多心轉下謀勇忍舍垢每回相

屢立戰功如車得侍公瑾酒制府何公能識幾拊循意孔厚一言被挾

續百計時糧糗軍令頓改觀

○ 侵仇亭後集卷十二 五

國恩敢虛受一鼓下兩邑句容溧水再鼓獲其醜陣斬洪秀全之姪偽安王

洪仁遂拔潤州城鐘彼逋逃藪維時江北軍並舉折枯朽

連檣走率然擊尾齊應首浮玉明炬火寒潮動星斗長江

古天塹主客異攻守轉環在得人亦由善激誘

朝廷嘉乃績懋賞勵厥後金陵勢雖孤江浦賊未取金陵對岸

尚有連寇當思蠡蠹毒勿爲蒲騷狂師出必以律十勝懼一負

惟此垂成功氣已吞八九上游扼湓城全力制鍾阜春風

鏡吹來綠滿江上柳行當洗甲兵吾其老隴畝

尹文端公與袁簡齋先生游攝山圖倡和詩卷

四十賢人題句在百年詩畫想風流乾嘉遺墨都難得何

況追隨杖履游前卷圖作於乾隆二十三年戊寅之歲簡齋元唱七律四首文端再和共題詞二十

一人標首者一人後卷  
題詞十九人跋者一人

朝野歡娛官事簡栖霞山色大江流豈知鳳去臺空後猶  
倚軒窗得臥游

消寒三集詠樹稼以諺語霧松重霧松窮漢置飯甕

分韵得霧字

地氣發日霰今霧字韻  
文作霽天氣下日霧霰乃氣之蒙洪範蒙  
古文作

霽霧則霰之凍雅訓今沿諺許說堪折衷樹稼名後出亦

或偶霧淞諺語猶近古疊韵義堪諷澤次與溧列詩人此

例衆蘇曾工體物萬象入吟弄豈宜學蝨魚書叢老徒鬪

寒骨乏秀語奇字徒鑿空無怪詠絮人捧腹笑且痛燕臺

玉盈尺西山出銀甕定知陳根拔遺蝗化為鳳天公運巧

縵仇亭後集卷十二 六

思三日費彫鑿瑶林散花雨一破幽人夢坐客徵襍祥疑

義且先貢卻思舊題句俾揣言末中二十年前里居  
會賦樹稼詩清景

不可失急觴莫停送似聞松下鶴招我躡雲洞

子鶴怨堂前後移居城西喜得芳鄰走筆奉簡

河上老人去已久碧雞使者書未回塔院松寮兩寂寞孤

游誰與傾尊壘自滌浦石卿出都  
兩寺之游漸減寒林連日出霧淞跨馬

人來騎白鳳已聞雪夜奏三捷更喜居鄰得二仲西鄰瓊

樹花連枝服村伯兄亦  
留京度歲東鄰茶竈為我移閒官漫叟且相

伴準備今年餞歲詩

夕風朝晴用東坡攬雲篇韵荅子瞻

夕風朝日晴

御園啟夙駕

是日 聖駕  
自園還宮

一條玉塵中萬馬衝寒過山屏

積素開

輦路餘花下虹橋鷓鴣行冠佩參差亞仰瞻

天顏喜春郊念耕稼微軀病三載駑鈍廢腰膀漸於農事  
親里諺習田舍願從擊壤叟歌舞康衢化酒貴猶可賒尊  
空安足怕

得趣

十一月晦日

撥火寒生煖挑燈夜嚮晨悶將詩共語衰與藥相親薄酒  
常延客奇書每問人紙窗得佳趣破臘已如春

歲莫以饒飢亭詩後集寄三兄感作

兄弟老多病田園早已蕪白慙生計拙敢道世情孤晏子

饒飢亭後集卷十二

七

裘空敞疏家金在無惟餘詩數卷遠寄伴屠蘇

消寒四集分韻臘鼓

得令 臘酒 得時

寒邨腰鼓春前盛破臘不愁北風勁往日鼓聲催不起今  
年轉覺喧闐更玉田千頃花萬樹黃髮垂髻走相慶古原  
春草此中生麥隴桑枝一色映昨聞江上馳捷書傳說城  
中布

恩令千門萬戶春聲來往助前驅笳鼓競

我有斗酒不敢私願與嘉客斟酌之天寒日落擁爐坐門

外不聞車馬馳南鴻北雁飛參差泥雪一任東風吹雙雙

玉瓶爲誰倒歲暮各有鄉關思

少泉南去子疇北來同邑  
傅蓮峯大令亦至自秦中

而估姪輝甥  
又將西歸

勸君莫辭迂辛酒勸君莫祭瘦島詩白頭把



筆還能醉紫陌看花況及時

臘八日長椿寺如月長老餉粥

鄰寺冬深靜不喧寒林入畫雪連番詩王聲振陳芳國寺藏

國朝諸老詩幅佛相歡生孤獨園時方施粥日給二三千人中澤蒼鴻漸安

集小窗凍雀亦騰騫隔年豫約看花侶可許攜尊過別軒

東階牡丹二十年舊本也今春花時始一賞之

劉韞齋少司空岷奉使興京恭修

陵工賦送二首

傳聞使節出

皇州遠陟周原紀勝游

珠阜萬年雲北向

《縵飢亭後集卷十二 八

璇源一派水西流國工考職兼泉布仙侶乘槎傍斗牛同奉

使者少宗伯宗室玉公臘雪載塗民氣樂渝關春色擁鳴騶計出山海關適

春

簪豪會憶獻幽詩豹尾餘塵歲月馳道光已丑歲以內廷講官扈駕東謁

三天上白榆仍露葉人間蒼柏已霜皮南齋扈從舊同直今在朝者

惟大司空許公捷書正及春回候歸路當逢飲至時土壁糠籩親

眼見

九重前席待詠咨

送傅蓮峯大令乾元還秦中十二月十日

莫嫌征鞅走緇塵且著朝衣謁

紫宸一笑重看燕市雪幾年小別灞橋春庚戌歲正月余自蘭州使旋見

君於長安客館當筵杯酒談天壯君熟精天文學入境兒童識吏循誰道還鄉如過客宦游成衆已三人王麟圃刺史任挹春明府皆吾鄉人同官秦中

### 臘日出游

老人自笑還自憎不寐乃與雞俱興天寒日午積雪疑出門但訪鄰寺僧危檐古木纏枯藤北岡欲陟愁峻嶒南榮暴背煖若蒸閉目靜觀神內激僧言春臺漸可登衆人熙熙情不勝由此一念百感乘徑辭龍樹尋馬塍花屏未破中已應雲屏霧閣深幾層不知糜粥誰斧冰香國春氣先上騰羣仙步虛若有憑綽約顧我顏驕矜雙松孤鶴自得朋斜日遠山高出棱歸來竹窗搖短鐙瓦瓶一醉吾猶能  
曹柳溪寄示近作卽和其荅友人詩四首

### 侵徂亭後集卷十二 九

太息江湖守土官下車無暇問飢寒陽城敢道催科拙尹鐸方知保障難出岫雲閒似彭澤舉頭日近卽長安長安

安嶺皆龍門縣地十年宦味嘗應熟籬下霜英且細餐

聞道邊陲歲有秋勞農趣事敢遲留飛鳧早識王喬舄帶劍今歸渤海牛柏葉酒清供客醉木棉衣冷寄鄉愁春陵心事香山筆豈爲登臨紀勝游

藥裹詩囊送暮年讀書空負腹便便眼看雪隴占豐兆心盼江城奏凱旋松寺留題書漸滿藜牀經歲坐能穿史雲

那有魚生釜卻累時時致酒錢來詩有可廚不費買魚錢之句

臘鼓迎年吏散衙山城燈火列如麻笛中折柳曾吟雪陌上扶犁待種花榆塞關河春過雁槐街門巷暮棲鴉尺書

便抵還鄉樂兩地屠蘇似一家

龍門五月朔雪次柳谿韵

從來南北異時節朔漠夏寒粵冬熱天山楊柳青可憐羌  
笛聲中自生滅君居邊城官獨冷春氣不能回栗冽得毋  
天公與君戲五月冰花一夜結今年旱蝗及畿輔南飛卻  
避北風裂况逢閏夏時正長生殖猶堪計織屑雲興雨沛  
官事閒出郭但聞田水咽秋霜未降禾已登更喜陳根見  
冬雪

祀竈詞

餽酒不掩槃芻豆不盈袂再拜竈陘前暉勉爲餞歲餽以  
代黃羊酒以當五齊懸馬未及飽雲駟已騰逝問神將何  
之放患謁上帝上帝司民命監觀孰敢蔽民間疾苦多惟  
神已熟計豈以朝夕媚或爲致援繫古人重干請時俗感

漫汎亭後集卷十二

十

私惠人人思降祥神力亦不逮貧家無奢願且幸免苗泮  
敢向噢咷間覩縷陳瓊細盆瓶器之賤饗爨食之糲爲問  
陰子方何如老婦祭

立春日感懷

新醪不寫換衰顏隱几蕭條鬢雪斑梅嶺花開無信到羊  
城仙去幾時還漢家銅柱勳名在海國珠厓道路艱猶望  
江干楊柳色春風先度秣陵關

消寒六集題王麓臺擬黃大癡畫卽用其自題韵

余藏

麓臺擬宋元八家畫一荆關二董巨三米元章四趙  
松雪五吳仲圭六王叔明七黃大癡八倪雲林每幅

各有  
題句

天癡非癡翁亦非老畫師袖中富春山人間時見之麓臺  
得其神神與形兼資偶樵淺絳法萬象皆華滋我曾見翁  
杖七尺高過眉流傳到壺齋宗派無兩歧黃左田師畫得  
杖銘云杖七尺子久  
大癡法嘗得藤  
植五百年歸左田何由扶赤藤一往尋山茨未解黃石  
書且參摩詰詩

次韵子鶴夜坐見懷并簡服躬

覓句連牀好細論夜寒應少客敲門獨吟猶勝西鄰叟寂  
寞盆花對酒尊

歲莫舊交數饋鹿尾分遺恕堂斐然有作次韵訓之

春帖迎門神冬餽送竈鬼積雪消螟螣伏雷制蟲虺鹿鳴

侵胤亭後集卷十二 十一

宴嘉賓所貴尤在尾獸人歲給鮮

頒賜出

宸辰歲除大臣例  
賜麕鹿麕麕久病鶴厚俸養庸菲每歌庭貍詩

素食慙篤菜掖垣舊同寮饋歲致珍璋各推萃野惠風誼

亦何偉北味殊南烹土銜燒溼葦分餉與君共懸匏笑吾

豈緬懷沅澧間蘭芷擢芳卉春水今方生魚蝦密如蟻君

詩有深感所思豈不韙崔劫老廢學數典已忘幾事見西  
陽雜俎

雜俎雖一嘗但媿成章斐

董孝子行 勤方字念于平定州廩生

嗟哉董孝子萬里奔父喪出入盜賊裏一解孝子家何所

晉東古上艾門前繇蔓水父喪在何許粵西昆侖關宣化  
縣

其地近交趾二解 孝子聞父喪傳言不得詳匍匐走都京

都京無親友跼告陳先生董生受業於勿齋先生 致書復仇叟叟曰

子有母父喪子必奔母命亦必受孝子銜涕歸歸奉母命

來路人爲之哀三解 是時粵西賊再竄陷楚北道路澀如

棘孝子涕垂頤父喪不得歸子生亦奚爲父喪歸不得子

甘死盜賊四解 叟曰子勿悲吾有二三友遠官粵西陲勞

皆中丞胡 粵有蔣大夫近官于京師震 其人皆可依宛勞

轉尺素書爲子謀先資又有粵西吏子可結伴去道路卽

有警紆回庶往濟五解 孝子銜涕行匍匐出都門南望江

漢城朝視烽火光夜聞甲馬聲徘徊南陽道西上沿襄荆

荆門達桂林不知幾千里跋涉忘所經但見草木長又見

草木零六解 萬物有苑枯孝子無窮途廉範不覆船王陽

不回車官聞孝子來遣騎致所須邦人見孝子奔走爲致

書邂逅語交衢似與孝子識驚問乃鄉閭平定某流 竟知

父殞所一一陳厥初七解 桂林指南郡風塵隔溟洞蕭條

千里間人少豺虎衆孝子銜涕奔擲身蠻荒界投足鬼伯

門不悟父喪久放悲聞父存天涯一小縣連年苦征戰逆

旅斷羈魂薄棺寄僧院何人爲收骨何日營祖莫不意南

飛鳶化作北歸雁八解 豈管路悠悠桂管居上游誰謂湘

灘水不能送客舟朝辭洞庭下莫聞鄂城收歸途武昌 誰

謂黃鶴去不度武昌樓武昌接中州朝莫行不休朝朝復

莫莫西入太行路太行白雲飛靈旒從之歸九解 孝子今

莫莫西入太行路太行白雲飛靈旒從之歸九解 孝子今

有父盜賊爲之避鬼神爲之輔孝子今見母母病不自悲

但悲兒辛苦念兒別幾時去年楊柳青今年蒲葉滋咸豐六年

春自里政行七年夏五月歸看兒衣上線去時淚斑斑歸來雨如汗

解走謁陳先生先生曰勤方子實不負名復見縵仇叟叟

曰董念于孝哉今罕有吾聞黃孝子向堅吳中孝廉兩親陷雲南徒步尋歸有

紀程滇池奉親歸圖畫有山水又聞王孝子原文安民尋父於輝縣奉

歸溫陵李贄爲太原公之作書傳播厥美遺風二百年寥

寥復見此生還猶足慰死別更悽惻生死同此心艱難報

罔極十一解叟爲孝子詩敬告桑與梓且以詒所知干戈

尙未戢男兒當有爲求忠必於孝庶幾其念茲十二解

古薦士篇

縵仇亭後集卷十二

南陽翟道淵湯篤行古遺直羣寇不敢犯威利不能逼庾

公亮臨江州東帶降車軾枯朽方自陳恭敬見顏色翟謂庾曰

使君直敬其枯木朽株耳零霜有勁草疾風無弱翼使君能薦士朝廷

嘉其德豈惟嘉其德將以爲民則博士雖冷官下邑足於

式臥龍卽不起鼠輩消反側迂疏世所笑知者深歎息百

世聞餘風激揚欽遠識近者湖北巡撫胡公薦興國州處士萬斛泉與此事相類

丁巳歲除自題縵仇亭後集

平生學道未聞道晚歲身閒安敢閒惟有呻吟餘病後更

無禪補在人間奔輪但覺光陰疾盾火能忘世事艱一臥

三年詩數卷且排後集擬香山

謹案襍沔亭集自嘉慶十七年至咸豐四年致仕以前詩凡千六百六十餘首編爲三十二卷後集則皆致仕後所作隨時分卷付梓者也

男世長姪孫友直友麟謹校并記

襍沔亭後集

